

NITIJELA OF THE MARSHALL ISLANDS
37TH CONSTITUTIONAL REGULAR SESSION, 2016

40th Day (Friday) P-II
August 19, 2016

SPEAKER KEDI: Yokwe in jibbon nan aelon kein kab Nitijela rein ilo iloan Chamber in, im rainin ej August 19, 2016 ej raan eo kein 40th in an Nitijela jijot ilo Friday in im mokta jen ad wonmanlok im komani kwelok kein ad ne imaron kajitok iben aolep rikwelok nan adwoj jutak im komane kile ko ad nan Iroj ilo jibbonin. **(JAR)** Wonmanlok wot Clerk im letok roll call eo an Nitijela ilo jibbonin rainin.

CLERK: H.E. President Hilda C. Heine..... Present
 Minister Mattlan Zackhras..... Present
 Minister Alfred Alfred Jr..... Present
 Minister John M. Silk..... Present
 Minister Thomas Heine..... Present
 Minister Brenson Wase..... Present
 Minister Amenta Matthew..... Present
 Minister Wilbur Heine..... Absent
 Minister Kalani Kaneko..... Present
 Minister Tony Muller..... Present
 Minister Mike Halferty..... Absent
 Vice Speaker Jejwarick Anton..... Present
 Senator Litokwa Tomeing..... Excuse
 Senator Alvin T. Jacklick..... Present
 Senator Maynard Alfred..... Present
 Senator David Kramer..... Excuse
 Senator Atbi Riklon..... Present
 Senator Leander Leander Jr..... Excuse
 Senator Daisy Alik-Momotaro..... Present
 Senator Eldon H. Note..... Present
 Senator David Paul..... Present
 Senator Sherwood Tibon..... Present
 Senator Michael Kabua..... Present
 Senator Christopher Loek..... Present
 Senator Tony Aiseia..... Present
 Senator Jerakoj Bejang..... Present
 Senator David Kabua..... Present
 Senator Jack Ading..... Present
 Senator Bruce Bilimon..... Present
 Senator Dennis Momotaro..... Present
 Senator Casten Nemra..... Present
 Senator Kessai H. Note..... Present
 Speaker Kenneth Kedi..... Present

SPEAKER KEDI: Kommol tata Madam Clerk, ilo roll call ne arro ilo jibbonin ne komaron naj mark e rikwelok rein excuse Senator Litokwa Tomeing, Senator Leander Leander Jr, im Vice Speaker Jejwarick Anton.

CLERK: Speaker ewor 29 present, 2 absent, 2 excuse.

SPEAKER KEDI: Inem eun uan Nitijela in nan an wonmanlok wot im komani kwelok kein an ilo jibbonin rainin, im ilo rainin eliktata ilo week in jea ekonon kokaal kile eo an nan moktata Anij, im kab Iroj ro ad, kajur ro droier, im rikaki ro im jermal in tol ko aer ilo Ecclesia ko kajojo kab aolep armij in Majol, im jej kamolol Anij kon juon ran eman ilo an kar wotlok mekar kab molawi ilo ion Majuro in.

Jenaj wonmanlok wot ilo agenda ne an rainin im ilo ikijen item agenda nombra 3 ejelok jabdewot koban ilo tore in, jenaj kio bed ilo item nombra 4 item agenda eo an Cabinet nan aer report nan Nitijela in kab armij in aelon kein im elab tata jen Office eo an President, im eutej Nitijela in bwe ilo rainin ebarenwot bed Her Excellency Hilda C. Heine Head of State im President eo an lal in ad im Madam President ne ewor jabdewot jen ibam ilo jibbonin nan Chamber in kab aelon kein, jouj im wonmanlok wot.

PRESIDENT HILDA C. HEINE: Kommol Mr. Speaker, bar juon alen kamolol Iroj kon rainin im kon onake eo an nan koj woj kajojo, mokta jen ao ba jidrik ikonon barenwot kokaal aoo in kile ko ao nan Iroj ro ad ilo aelon kein, Chairman eo an Council of Iroj kab Iroj im Leiroj ro barenwot Owner eo ilo mwin mweier koba Iroj ro jet me rej bed ilo belak in aelon kein, barenwot kile Office eo am Speaker, eo an Vice Speaker eo, Cabinet member rein im rikwelok rein an kajojo aelon ilo jikin bebe in an armij in Majol, barenwot kile rein jet rar itok ilo jibbonin rainin nan witness e kwelok kein an Nitijela in.

Jidrik wot men ikar konan boklontak ilo jibbonin rainin Speaker ej itok wot nan assure e ak nan kamej lok kalimur in an Kien ikijen jermal kein reaurok nan armij in Majol, inne ear walontak konono eo ikijen issue kane ruo rellab ikijen climate change kab ikijen nuclear im kolmenlokijon eo an Kien in ilo wewein ad tackle e ak wewein ad jerbale men kein ruo me elab aer aurok im lab nan armij in Majol, im ikonon assure e Senator rein barenwot armij in Majol ke Kien in ej lukin serious ilo an lali issue kein ruo im consider –I ke rej ruo issue ko relab aer aurok im jonan an lab aer aurok kojab konan bwe ak jejab konan bwe ren bed wot iumin juon Ministry im ilo jekjek in an kar Kien in ejak jar koman bwe issue eo an climate change en vested iben Ministry eo an Minister eo an Assistance eo nan President, konke en jab lelok elab jermal im koman bwe en lab an Minister eo an Foreign Affairs boub eo im enaj focus ilo issue ko an nuclear im barenwot Compact related issue, im emoj ad separate –I ak emoj ad kajebel issue kein ruo ilo kolmenlokijon in ke elab aero aurok im enaj lab an juon wot armij boub ilo an naj modjaki issue kein, im ijela ke Minister eo an Foreign Affairs ear komeleleiki wewein in ilo ran eo inne ak ikar bar konan walontak ilo jibbonin rainin nan kamej lok ke elab an aurok issue kein ruo im ilo legislation kane rej wonmantak, juon ne ej ikijen Ministry eo ekaal naj an Environment im Climate Change ej bar ettor wot ilo kolmenlokijon in ke issue ne an climate change ej aikuj in bed iumin kotobar ko an Kien in ilo ad madjake aban ko me rejelot mour ko ad itok wot jen okotak ak oktak in mejatoto im wewein ko jet rejelot mour kein ad.

Ekwe kar men eo dre in ikar konan boklontak jibbonin rainin me ijelak ke ejab jomlok adwoj kolmenlokijon kon wewein kein im kajitikin dron elmen ad wonmanwaj ilo ad etale im bukukot kilen bwe en resolve ak en maron wor kitien wewein kein ruo me elab kilaer ilo wewein aer jelot mour kein ad. Kommol Speaker.

SPEAKER KEDI: Kommol tata Madam President, ej belok wot iumin item nombra 4 nan Minister ro jet im jea enaj kio kile Honorable Minister John M. Silk, Minister eo an Foreign Affairs, wonmanlok wot Minister Silk.

MIN. JOHN SILK: Kommol Mr. Speaker, Mr. Speaker mokta jen ao bok jidrik kwonao ilo jibbonin rainin, ikonon bok ien in eman im lewaj naan in kautej nan eok Mr. Speaker, nan Vice Speaker eo, nan President in ad ilo aelon kein, im Minister rein im Senator rein ilo jikin bebe in eutej an aelon kein, kab barenwot nan Iroj ro ad mweo imweier kab belak in Majol in im Owner eo barenwot im aolep armij in Majol, elab tata rein me rar itok, jar invite –I tok er bwe nain kwalok kajier nan Nitijela in im armij in Majol ilo jibbonin rainin Mr. Speaker, ilo etan President eo Mr. Speaker elab ao utej in kwalok kajien jilu ian IAEA team member ro me rar itok nan aer komani jet kwelok ko elab aer aurok ikijen jermal kein an IAEA, inaj baj komeleleik ta koban kwelok kein. Ak imonono ilo tore in Mr. Speaker nan ao kwalok kajien Oscar Akuna, Section Head Division eo an Asia im Pacific ikijen IAEA, Mr. Thomas Peskula, Nuclear Medicine Division eo, im Ms. Gayla Timikov, Quality Assurance Officer eo.

(KABOKBOK)

Kommol emol, kommol Speaker, armij rein rar itok in komane ruo kain workshop ko im ruo kain jermal ko rar itok kaki im juon ej sub regional workshop e ikijen project design, rar itok in jiban kojean komane jet adean project design nan yio kein rej bedro tok im ear koba tok ilo kwelok kein ke aelon ko ilo jet ian aelon ko ilo belak in wod in bwil kein, Fiji, PNG, Vanuatu, kab Palau, ro me ilo tore in rej member in IAEA im ear koba tok jar kein nan aer komani kwelok kein ibed im jiban koman project design ko an lal kan aer, im ne baj RMI eo project ko emoj ad kojenoloki nan yio in ej bedro tok ej radiology service improvement eo kab environmental monitoring ikijen food safety im radioactivity ilo coastal kab marine environment. Motan men ko me rej komani workshop in ej ikijen kajion lelok training nan ra me rej bed ilo radiology department ka ilo Health Services bwe ren make sure ke ejimwe ad calibrate –I wewein aer komani jermal kein bwe jen make sure ke ejab over ak under calibrated men kein im jermal kein elab aer aurok ak ejanin wor en emoj an kar train nan an maron in komani wewein kein im ilo an itok jar ka motan men ko rej komani kein nan train –I rijermal ra ad ikijen wewein ad calibrate –I kein jermal kein. Ak Mr. Speaker inaj lewaj juon report eo emulal lok ikijen jermal kein im workshop in ear koman ak iar konan wot kir tok jar kein bwe Nitijela en jela kajier kab armij in Majol barenwot.

“And thank you very much for coming over and thank you for being in here for the last week on this workshop, we very much appreciated, thank you very much.”

Mr. Speaker ne imaron wonmanlok wot?

SPEAKER KEDI: Wonmanlok wot Minister.

MIN. JOHN SILK: Enaj iwoj nan eok ilo rainin nan Nitijela in copy in foreign policy eo an Kien in ad im barenwot guideline ko ikijen wewein ad appoint Honorary Council, ro me rej serve e koj ilo belak in lal in, guideline kein renaj wewein ko kein jenaj lori ikijen ad appoint Honorary Council kab Council ro jet me Cabinet in ej appoint –I er, im ilo tore in wot ikonan bar karon Nitijela in ke emoj an bar Cabinet approve –I ad kio komane juon dateline nan aolep Honorary Council ro me rar baj appointed iumin yio ko woj mantak im jejaje, lukin mol eo jejaje jete Honorary Council emoj aer appointed jen ke ear jino Government in nan kio, etal im ejako record ko im jejab lukin jela rebed ia kab lal ta eo rej represent e koj ie, im ilo action ko an Cabinet kar inne emoj aer approve –I bwe jej lelok juon dateline nan aolep rein me rej kile ke er Honorary Council im Government in ear appoint –I er nan 31 ran in September in yio in nan aer communicate tok nan Government in im kwalok ia in rebed ie kab won in, kar lal ta in rej represent e koj ie, im elikin 31 ran ne jejab ron jen er, enaj cutoff date eo ne, jenaj ba ke jen kio im etal ejelok Honorary Council en jej kile im jenaj lelok message nan lal in, ijelokin wot ro me emoj aer communicate tok nan koj im report tok nan koj barenwot ikijen tokjen jermal ko aer bwe jen kio im etal, aolep armij ro jenaj appoint –I er bwe rej Honorary Council, ewor naj aer term in Office, ejab enwot kar mokta lok ke ejelok kar term in Office, im motan men ko rar itok im confuse –I koj kein im kabok koj ak jej kojatdrikdrik ke ilo wewein kein, bunton kein me emoj ad buki, jenaj kajion in koman bwe en eman lok jokkin adwoj jermal iben dron elab tata nan ad maron in promote –I interest eo an Majol ilikin Majol in.

Kar naan jidrik ko kein im iar konan boktok nan kojro Mr. Speaker ak ewor jet bar report ko rej iwoj wot im naj kwonan wot Nitijela review –ki im kajitikin koj ilo ran kane rej bedro tok, juon iaer ibawot enaj jede tok rainin ikijen kwelok eo ear koman ilo Fiji.

Ekwe kommel Mr. Speaker.

SPEAKER KEDI: Kommel tata Honorable Minister, ej belok wot item nombra 4 nan Minister ro rej konan bok kwonaer, jea enaj kio kile Honorable Minister Tony Muller, Minister eo an Public Works, welcome back, jouj im wonmanlok wot.

MIN. TONY MULLER: Kommel Speaker im bar juon alen lewaj yokwe nan aolep, Speaker kommel kon am kar excuse –I kojro ilo juon ien ekadru nan komane bar jet ian jermal ko an aelon kein im armij in aelon kein, mokta jen ao naj bok jidrik kwonaer jibbonin rainin Speaker, ikonan moktata lewaj ao naan in kile eok, im jea eo an Vice Speaker eo adean, President Madam Hilda Heine, Cabinet im Nitijela member rein mota, yokwe nan aolep, Iroj ro ad im bed wot ilo ad kautej aolep armij in Majol.

Speaker mokta jen ao naj bolen uake juon ian kajitok ko naj ron inne ke naj jibarok mweo morro jen airport, jen juon ian rikwelok rein mota jen Jaluit Senator Casten Nemra, ikonan letok jidrik news jen Rio im ij tomak ij konono ilo etan ajiri ro 5 nejid, inaj kwalok etaer im kalikar event ta ko rar present e koj, im boktok aer naan in kamolol aolep, Kien eo, rikaki ro ad, kabun ko kon jar ko, binnik ko, im kain support kon jaan, mona, aolep men kein. Ewor 3 ledrik nejidean rar itok, juon ej swimmer, Coleen Ferguson, bar

juon Mariana Kress, im rukkotak eo nejidean jan Laura im Mili Mattie Sasser, imonono in kalikar ke jen 207 lal, elolo kein ka-jonoul juon, enomba 11 ilo lal in ikijen weight class run, jejeraman bwe ruo ian ajiri rein ke juon ej 18 im juon ej 19, im melele in Japan ne maan, re win –I bid eo nan host –I next Olympic, ij tomak renaj bed ilo prime eo aer, ak rej letok aer naan in kamolol im yokwe kom woj aolep kon support ko im ikonan kojeraman family ko aer kajojo.

Ke ij ettor tok inne jen airport en Speaker, juon eo kajitok elukin eman, kajitok eo dre eo iar ron im ej jen Senator in mota Senator Nemra ikijen heavy equipment im emakitkit in heavy equipment ka an Public Work, ijela ke bujin ne, konke jej bar ron ilo ial kane, elon aer kajitok kon men kein, ak jonan wot ad maron ke jej etale im bar kokaale im kokajur lok policy ko ikijen wa kein. Jet ian wa kein jar ajeje bwe en jerbal, en bidrodro ak kojerbale nan Ralik im Ratak jimor, ewor emen, ruo excavator im ruo loader rej assign nan Ebeye konke jen lak deploy nan Ralik Kabin meto im ijokane woj, ebidrodro im emokaj lok im e cost effective lok, wa kein jet renaj jerbal jen Majuro, jenaj bar deploy nan Ratakean, ak ebwe an mor tariff table ne adean, melele in fee kane me emoj adean kar set e nan kojerbal wa kein im men eo ij ba jej review –ik in, ewor jet ewor 251 awa nan kojerbal wa kein, ewor jet jej koman bwe landowner ro ren fuel –I wot im kojerbal nan kareo weto ko woj aer. Elikin review –ki menin im jeboktok nan maan Cabinet, ekwe enaj jede tok iman Nitijela in bwe komi en bar kakobaba im jen kokmanman lok bwe en eman nan aolep.

Juon ian kajitok eo ne ejimwe ao melele ke, jet ian private company ko ke rej kojerbal heavy equipment kein, im imaron wanjonak kon ial in adean. Ial kane, ron kane me waj nan Laura, jar budget e \$90,000.00 nan komane, ij tomak administration eo mokta, rein uan, remelele kon jonan budget eo, ejabwe nan kar kotobrak waj nan Laura im ilo supplement budget eo jar kar kon bar \$100,000.00 ak ej jabwe wot konke jar koman change order im koman bwe ial eo me area eo ekauwatata enne me ilo Peace Park me juon lane, en rol lok im ruo lane, jeman ke jar lay fiber ne an NTA nan Laura ke rar kubij ial ne im kojerbal cold mix im enne erub, enne ekoman bwe en juon wot lane jen Peace Park tok nan turin airport ne, im bwe emat budget eo ke, jar wonmanlok wot im koman jidrik kwon jet ian kumi ro me rej komane ial ne, im jar ba ren wonmanlok wot im komane job order kane nan kojerbal wa kein nan project ko aer ak jenaj offset e jen likjab in naj budget ne adean nan yio in bwe en dedelok ial ne, ak bar juon alen jenaj review –ik policy ka ikijen rate kane im korol tok nan Nitijela eo im Cabinet eo bwe en eman nan aolep.

Ne ebar lon kajitok ikijen heavy equipment kein, ijela ke eto ao jako im bolen in kar etale wot transcript kane nan lale kajitok ko rar walontak ikijen bar Public Work ak ij tomak enaj mokaj lok im bidrodro lak ne rikwelok rein mota iloan mwin, kom jouj im bar letok kajitok ko bwe jen rol tok im lewaj uak ko retiljek im jimwe lok. Report jidrik ko kein Speaker im kommel kon jidrik ien.

SPEAKER KEDI: Kommel Mr. Minister im nan barenwot kenanok eok ilo tore eo kwar jako Acting Minister eo am ear uak elon ian kajitok ko me rar iok waj Ministry ne im ibawot ebolel kajitok ko kab uak ko Acting Minister ear uak ilo etam ilo tore eo kwar jako. Ej belok wot floor ne nan jabdewot, jea enaj kio kile Honorable Minister eo an Finance Honorable Minister Wase, jolok bod bwe mic ne am kio ej tollok kio barenwot ejelok oktak jen mic ne an Minister Silk, wonmanlok wot.

MIN. BRENSON WASE: Kommol Mr. Speaker, mic e le enaj koman menin ad jaje konono ak kommol wot im mokta jen ao ba jidrik kwonao im bar respond nan jet ian kajitok ko elab tata eo ikijen decrement, ekwe ikonon kautej eok Mr. Speaker im Mr. Vice Speaker, Madam President, im colleague rein adjean ilo Nitijela in im Cabinet jimor, kamolol im kautej jemed ilan kon juon ran eman barenwot mour im ejmour, ij lelok juon ao special kile im kautej nan Iroj ro ad, Chairman im Vice Chairman eo ilo imweo imweier kab barenwot Iroj ro adwoj ibelak in Majol in im Iroj ro adjean enwot ke Majuro ej host nan Government in adjean ilo Majuro in kab armij in Majuro ro aer jea kein.

Mr. Speaker ekar itok kajitok ikijen decrement ne im ewi jekjek in adean kar address e mantak, im ilo kar Resolution 2009-1 JEMFAC eo ear koman bwe Government en address e decrement ne eo me ej \$500,000.00 in sector grant kane elab tata, im ejab bwe en jako ak iloan decrement ilo an driklok ej ilok bwe jen kanne lok Trust Fund eo ad im ba ke ilo 2010 eo en kar, jen kar jino address e driklok in ak jar maron im ear itok JEMFAC Resolution 2010-1 eo me US ear set jet condition ko bwe jen lori ilo ad address –I decrement plan ne, im wewein kein ej konono enwot koman adjustment ilo outcome kab objective ko elab tata ilo ad address e decrement ne im barenwot address e wewein ko me rej ba rejab maron in sustainable ejja kon wewein wot elab tata ikijen Health kab Education im ear lablok kar onen rijerbal in Government, payroll eo ad, im bar kalikar ikijen wewein ko rej alikar iman mejed ikijen wewein ko jejab maron in meet –I kon ilo area ko an Education im Health kab ilo aer barenwot ba ke ej unsustainable an edoklok Kien in ikijen barenwot payroll elab tata area ko me rej bok payroll ko aer jen Compact Funding. Rej barenwot kar letok nan koj bwe jen address e an limited edoklok in tax reform ko ad ilo tu drebakbak in im jab tu narrow in, barenwot jet political optical ak wewein ko me rekomojno –ik ad maron in tobar juon sustain broad based tax reform eo, im ilo ad address e decrement im driklok in jaan kein ilo an jab itok full inflation, ak aolep ien jej receive –I partial inflation nan budget eo im barenwot ilo an driklok aolep yio by \$500,000.00 Compact money bwe jej kanne lok Trust Fund eo kab aer ba ilo an jab emakitkit ak ilo an driklok economy eo ad ak economic activity.

Mr. Speaker ilo 2010 eo liktak nan elab tata ilo kar 2013 liktak nan 2015 im 2016, emoj ad kar jerbale iben technical expert ro ad ilo ad address e decrement in im komelele ilo kar budget ko yio eo lok, ekka an kar wor policy ilo ad formulate –I budget eo im ejake, jar koman cut across the board, jet ko ien ej jilu, ij tomak jet ko ien ej lab, lalem, im eliktata ilo ad kar kajion in cut e, jen kar cut nan juon jekjek eo me jen kar tobar 18 cut ilo budget across the board. Aolep men kein jar jerbale mantak ijowotke itok im lak yio kein konono kaki ilo an kar lablok revenue ko ad enwot ilo fisheries enwot yio ko lok jar kijon bok enwot ao kar ba jinoin ruo million, jewalonlok nan ruwalitok million im walonlok wot nan jonoul jiljino million kar yio eo lok, im jar barenwot koman jet unanticipated revenue ko me jar bar Kankan tok jen MIMRA im ij tomak jonan eo jar tobare ekar nan statistic ka ad ronoul million im naj ilo yio in jen MIMRA ak fisheries enaj \$25,000,000.00 im aolepen men kein ilo jerbale liktak, na imaron in ba im ij ba ke decrement ne eo me ej \$50,000.00, it's an issue konke ilo an driklok kon \$500,000.00 ak emoj an edoklok revenue kon \$25,000,000.00 im ejab include –I \$500,000.00 lablok ilo Ship Registry eo ad ej itok on and off, elikin ruo yio otemjej im jemaron in ba lablok ne wot an Ship Registry ne, revenue ne ilo Ship Registry, ak emoj an address e decrement ear driklok in Compact Funding.

Im ejab wewein in wot Mr. Speaker, ak ilo ad komane kar allocation kein liktak, allocation eo an Health Service im Education, elab aer lablok, emoj aer lablok, ilo yio in ej barenwot lablok jen general fund eo ad, im ikonan ba nan Senator in ear raise –I kajitok in ke menin emoj an incorporated ilo aolepen ad komane jekjek in formality budget ne, jenaj koman report ak ilo mol eo emoj an incorporated aolep wewein kein im moj ad address –I nan address e im jerbale decrement plan ne, im ilo yio in, ikonan ba nan Senator in ke ekar nan melele ka rej itok, naj ilo yio in revenue eo jen MIMRA ekoba \$25,000,000.00 kab jonan en ej jijot ilo TCD en aer enaj bolen tobar enoul million ien ne me kojean ej address e aolepen disaster kane im emergency kane, lelok jaan nan private sector, address e youth, address e Social Security, im aolepen disaster response kane me jej aikuj in komani nan address e disaster ko jar ioni im dret eo elab tata.

Im ej jekjek in ne Mr. Speaker, enaj koba in aolepen bolen revenue ka kojean ej buki jen fisheries, jen support eo jen ROC, kab non tax, koba taxable income ko ad, bolen jenaj tobar jiljinonoul jima million, emoj limabuki thousand emoj an libobo kadede ilon increasing revenue kein ilo ad address e decrement ne. Kommol Mr. Speaker.

SPEAKER KEDI: Kommol Mr. Minister, ej belok wot floor ne nan an rein jet uan Cabinet bok kwonaer ilo item nombra 4. Ne emat ilo jibbonin rainin, inem jenaj walaltak nan item ko jet, jenaj kio bed ilo kajitok im uak im ilo list eo inne im ear jab maron dedelok, enaj kar pa ko iar maron loe ilo list eo inne enaj kar Honorable Senator Daisy Alik-Momotaro, im naj jabdewot ro rej konan bok kwonaer ilo jibbonin rainin, im Madam Chairperson jouj im wonmanlok wot ne ewor am kajitok ilo jibbonin.

SEN. DAISY ALIK-MOMOTARO: Kommol Mr. Speaker, bed wot ilo aoo in kautej aolep im elab tata kamolol jemed ilan ilo jibbonin rainin, kommol, emoj ao kar kwalok kajitok ko ao ilo kar jermal ko jabdewot. Kommol.

SPEAKER KEDI: Kommol tata, inem jea enaj kio kile Honorable Senator Christopher Loek, jen Ailinglaplap, jouj im wonmanlok wot im elikin enaj Honorable Vice Speaker Anton.

SEN. CHRISTOPHER LOEAK: Kommol Speaker im ekanoj eman ao ronjaki melele ko kio ej jibbon bwe enanan mic ke an Minister ra ak ejad mojno lojilu jidrik ak ikonan ba nan ri Ailinglaplap ke iar bed mwin inne im bar bed rainin, ijoke iar jab walok ilo ien ikkur, im kommol Speaker kon am letok jidrik ien nan ao kajitok im kautej President eo ad im barenwot Cabinet rein ilo Cabinet, im Senator rein woj, Iroj ro ad ilo mweo mweier kab ijoko jet, im aolep armij in Majol.

Juon kajitok ikonan kajitok ilo jibbonin rainin, konke ij lomnak ej juon wewein eo me eaurok ikijen radio eo ad, radio station eo, ilo melele ko jar ronjaki ilo ran ko lok, ejab maron tobar Enewetak im ilo an jab ronjake Enewetak, ewi jonan an eman druwoj lok nan ijoka jet, jet ien jekonan lak etor ilo ial e jet ien ejab kanoj eman an bar druwoj tok, im kajitok eo, melele eo enwot rekar ba ewor problem ilo cable eo lok nan studio en lok nan transmitter en, ak kajitok eo kein kajuon, jete transmitter link ijelokin cable en ebar lon ke? Im kein karuo, armij rein me rar itok im komani men kein, ewi baj jonan aer jela komani ke elak kar itok juon kar likao jeman im komane radio e, jekar maron broadcast kon 25 taujin watt ak men

eo kio jej ronjake melele eo kio ke men e ej 25 taujin watt ijowotke ej broadcast kon maximum in 25 taujin watt, kain rot?

Ekwe kajitok ko ao kein ikijen radio in, juon men eo me elab an aurok nan adwoj leto letak melele ilo aelon kein, ejanin driklok tomak in an aolepen lal in ke men ko me rej eboktok development nan juon lal, ej communication kab transportation. Kommol Mr. Speaker.

SPEAKER KEDI: Kommol tata Honorable Senator Loek, jea enaj kile Honorable Minister in Assistance to the President.

MIN. MATTLAN ZACKHRAS: Kommol Mr. Speaker im kile aolep, kautej wot aoo eo an jikin bebe in eaurok im utej an armij in Majol.

Speaker bolen aet mol ke communication elukin aurok im elane ear aurok, naj kar motan men ko kojean ej prioritize –I ilo aolepen yio ko 8 rej jomlok lok, ak ewor bolen tarin 20 jima yio in kar transmitter ne an joren im jen bar rutto in im men ne me kojea ar boktok kio ke ej probably the most upgraded version in transmitter en eo me ej koman jen company ne me juon ian company kane me rellab im rebunbun tata ilo jermal in koman transmitter eo me ej Nortel ne ejimwe ao melele ak ilo adean kar likliki budget eo an yio eo lok im lak kadruwoj tok, enanin 60 jima thousand kar likjab im elab adean kamolol bwe elon partner ro ad rar monono in kaun tok ilo kilan wot drindrin in mejleb eo im IOM, USAID, rar jiban Kien in adwoj im kabwe lok on a reimbursable basis tarin \$65 thousand eo me rej reimburse e kojean kio jen aolepen additional part im men ko me rar jab drelon ilo \$100 thousand eo kojean ar kojemoje, im rej email tok jen Enewetak rainin ke rej ronjake, botab emaron in jokajur im emoj an radio in kab iloan Nitijela in ron jen, emoj aer ron jen aolepen belak in enanin aolepen Majol in, im bolen FM ne mol ke ejanin lukin kajur konke ej lon wot bolen jet wewein kein kokajur ne ak FM ne nan ion Majuro in wot im ej motan list in equipment ko me rej itok ilo ial ko aer tok koba iben cable ne me konono kake, jen transmitter en lok nan antenna en im bar juon part ilo antenna en, emoj aer listed aolepen men kein enwot an kar team eo kar itok im install e im emaron in kar walon lok jen jonan en ej komane kio ak bedbed ion recommendation ko an technical team eo ear itok, they don't want to risk it, ejelok oktak ilo kar session ko lok adean ke ej kun jarom im ear jab lukin dedelok an MEC itok im lale jonan power eo ilo generator eo elane emaron in accommodate –I jonan okoktak in jarom en ej produce –I aer maron in itok im komane kio jar jab bar maron in risk –I konke ekaal kab ewor 100 jima thousand Nitijela ear invest -e ion im jejab konan bwe en lak joren ekwe jebar kotar enanin inak jete, bar juon yio. Ak elukin lon en rar jiban kojean bwe en maron in itok equipment kein im komokaje bwe en jab itok ilo ion lojet tok, ion barge kane, ak ABA ear jiban kon provide ial bwe en maron in itok ion baluun en im naj ejelok additional charge ear komane nan kojean, enwot ao ba naj ruj im ronjake radio ne enwot juon eo ej jokwe ilo Ajeltake, ejab FM ne ak AM, im bolen ijo ne kojean en ronjake im check e aolep ien im jet ko iean kojean ej ba ejoren mic kein im equipment kein ak ej iloan wot Chamber in ad im bolen connection kane ekar, ilo adean kar jino test e an druwoj lok ilo internet, ear jab lukin eman bolen wewein an men kein jermal iben dron, ak radio ne ejja eindre ne im ilo tore in ej kojerbal haft in jonan maximum en emaron in kojerbale, ak emaron walon lok im 27 thousand kilo watt im elane enaj itok aolepen part kein, ekwe ejelok kajitok ke elukin naj eman an jar ko motadean ilo aelon in Enewetak ronjake im ne ekar bwe

jen bar ebok booster, ej bar bed ion Kwajalein en bwe en bar kokajur lok wot, ekwe kojean naj bar lale bwe elab additional ne me ej available kio jen jiban ko jen IOM, ak eman kajitok kein im aurok, naj erra iben Senator in jema juon ke elukin aurok bwe en boel im eman an jermal kein jermal kein. Kommol.

SPEAKER KEDI: Kommol tata Mr. Minister, im inaj kojeblok nan Honorable Senator Loeak nan bar jabdewot kajitok ak follow up.

SEN. CHRISTOPHER LOEAK: Inne, kommol Mr. Speaker im kamolol kon uak ko reman, ikonan ba wot jidrik comment enwot ejad wor jidrik curve jidrik ilo uak eo ikijen lolorjake kar radio in. Ikonan ba ke ekar ilo yio eo lok elak kar itok jen Cabinet eo, ekar itok kon 160 jima thousand nan Budget Committee nan an appropriate –I im eliktata elikin an pass budget eo, jelak loe short fall kon E60 jima thousand ke, im Cabinet ear komane ilo Cabinet pepa nan supplement e, men kein nomba kein rar itok jen recommendation eo an radio station manager eo im jar kajon komani ak jar lolojrake radio in ke jar lo ke ear jino joren im ekar to, jejab meleel etke ekar to an itok men kein ak eman bwe retobrak kio ak ejab melele in ke jar jab lolorjaki ilo ien eo jar jela kake. Kommol Speaker.

SPEAKER KEDI: Kommol tata Honorable Senator Loeak, im ilo listing e ekar nan pa ko iar maron tobare ilo kio ej jibbon, enaj Honorable Vice Speaker, Honorable Jack J. Ading, im enaj Honorable David Kabua im naj Honorable Senator Casten Nemra im Honorable Bilimon. Mr. Vice Speaker, jouj im wonmanlok wot.

V-SPEAKER ANTON: Kommol wot Mr. Speaker, Mr. Speaker mokta jen ao wonmanlok im komane jejjo ao kajitok, ikonan kamolol Anij jemed woj ilan kon onake kab kon plan im karok ko an nan koj woj ilo lajrak in mour. Mr. Speaker ijelokin ikonan kile Her Excellency Dr. Hilda Heine, Minister in Assistance kab Minister ro jet motaero, Senator rein motaro, armij ro kojro ej jijot ilo etaer.

Mr. Speaker enwot melele ko kar ilo tore ko rej motlak, kwar letok ke rainin ej dateline eo nan aolepen bolen utnok ko iumin bill calendar kab resolution calendar, im enwot an elajrak ilo item jab eo ijab lo resolution ko kojean ar enoiki ke rej bed iben committee ko, im kajitok eo ao kio, resolution kein renaj bed nan tore ta ke kwar letok ke dateline rainin nan bolen kojedeik kab bokmantak aolep resolution kab bill ko, im ne emaron wor jidrik melele ebed ia resolution ko jet bwe jen maron in lolorjaki nan aer wonmantak ilo 2nd reading im ioklok wot reading eo eliktata ilo kein karuo. Kommol wot Mr. Speaker.

SPEAKER KEDI: Kommol tata Honorable Vice Speaker, im kajitok in ej iok lok Chairman ro an committee ko im jabdewot bill kab resolution ko rej outstanding jen session eo lok im kab ko emoj aer introduce week ko lok iman, ne jemaron ron jen er ewi status in jermal in kab jebed tok ia, ekkar nan rule ka Chairman remaron uak jabdewot kajitok. Ne ewor uak jen jabdewot Chairman ikijen kajitok kein, inaj kile Madam Chairperson Daisy Alik-Momotaro, wonmanlok wot.

SEN. DAISY ALIK-MOMOTARO: Kommol Mr. Speaker, bedwot in kautej im kile eok Mr. Speaker im kamolol jemed ilan kon juon rujlok in ran eman, kile im kautej aolepen Iroj im Leiroj ro ad ilo aelon kein, ro ilo mon Iroj, Chairman Kotak Loeak, rikaki ro jined im jemed ilo rej tol koj ilo mour in jetob, im Madam

President, koba aolep member in Cabinet eo an, kwe Mr. Speaker im Vice Speaker Anton, im aolep colleague rein mota, juon special kile nan Iroj im Leiroj ro aer jea e naj jijot ie koba ro droier, im kab aolep armij in Majol, Local Government Mayor ro barenwot.

Mr. Speaker imonono in lewaj jidrik update, iar kwalok tok inne ak ewor jidrik oktak ko ikijen kar outstanding bill ko me rar itok nan member in Committee e am J&GR bwe ren lolorjaki, ilo kar session eo lok ekar wor wot ruo bill rar outstanding, juon Nitijela Bill No. 1 ej ikijen bill eo ikijen collective bargaining im bill in emoj an kar public hearing ilo Majuro in ak ej kotar wot bwe kab etal in public hearing Ebeye, im jekar enwot ao kar report inne, jar kotar bwe en juon wot ien nan kojebarok money ko ad, juon ien naj public hearing Bill No. 1 kab Bill No. 6. Bill ko rej outstanding kein jen session eo adean ilo January eo, Bill No. 6 ej elimination of postal ballot ak jolok postal ballot, im emoj komani kar hearing ko ilo likin Majol in, motan wot kar Majuro im Ebeye, im jekar schedule –I Bill No. 6 bwe en public hearing ilo Monday 9:00 awa jibbon ak ewor juon a email tok jen AG eo adean Manoni, ej kajitok elane emaron rumwij lok jidrik bwe ejako ion ene in ak ej kajitok bwe ekonon naj bed ilo public hearing in, im enaj rumwij lok juon week Nitijela Bill No. 6. Im Nitijela Bill No. 30 kab Bill No. 31, rar itok jen session in kio, im edre kane outstanding an J&GR, im schedule nan amean committee eo komane public hearing ne ilo naj Monday 9:00 awa jibbon, im bar rojan aolep member ro an J&GR bwe ren lunuri bill kane ruo im kojean ej bojrak jen Nitijela Bill No. 6, ruo adean bill nan ran in Monday mae ien eo kojean naj bar karoke neet ilo elikin an joblak tok AG eo.

Im enne ej update in report eo jen J&GR, komean ej public hearing –I Monday 9:00 awa jibbon, aolepen bill kane rar assign tok ilo session in, 30 kab 31. Bar juon alen kommel Mr. Speaker im Anij en kojeraman koj.

SPEAKER KEDI: Kommol tata Madam, Honorable Vice Speaker bolen ne imaron kajitok specifics ewor ke juon specific legislation kwoj kajitok kake ijelokin ad naj lelok nan aolep Chairperson ro kon kajitok in kon outstanding bill kab resolution, ewor ke juon specific bill ak resolution kwoj konono kake bwe jen address e juon specific Chairperson?

V-SPEAKER ANTON: Eman kommel Mr. Speaker, Mr. Speaker ewor juon ian resolution ke me koj woj kar arto artak inne im ran ko lok ak ijab baj lo mirokan ilo agenda e, bill eo nan member at large eo, resolution eo.

SPEAKER KEDI: Kommol tata Honorable Vice Speaker, resolution eo an session eo lok Resolution No. 17, im kio inaj kile Chairperson Chairman Maynard Alfred an Foreign Affairs im Trade, jouj im wonmanlok wot Chairman.

SEN. MAYNARD ALFRED: Eman kommel Mr. Speaker im koba waj wot ilo nan in kile im kautej ko adwoj nan dron ilo jibbonin rainin, barenwot kamolol kon juon rujlokin juon jibbonin ran eman.

Mr. Speaker enne, resolution eo e iman meja 17, enwot kar ilo melele eo ilo ran eo inne bwe ej itok nan an Committee e jerbale, ear bok jet ien ko nan an Committee e kar, elikin an kar consultation eo an

Committee in, ekar kolmenlokijon eo bwe jen ja ekatak kake im lale, im ilo ran eo inne emoj an un juon bebe bwe jen wonmanlok wot im jerbale bill in im konke ran eo Monday ej Nitijela in ej kakkije, ej kalikmur ke elane enaj bar joblak tok ilo ien eo kwoj kiri Mr. Speaker, inem ej motan jermal ko imantata an Committee in nan an naj naj tackle e ilo rol tok ne an Nitijela.

Mr. Speaker ijaje euak ke kajitok eo.

SPEAKER KEDI: Kommol tata Chairman Alfred, im inaj kojeblok waj nan kio Honorable Vice Speaker nan juon am kakobaba ne ewor.

V-SPEAKER KEDI: Eman kommoll wot Mr. Speaker, Mr. Speaker ekar kakobaba ko kane konke etal im motlok ien resolution ne, kojean ar bar konono kake ilo session eo lok, aolepen agenda ko arro mantak ilo session in kein karuo jejab lo miro in im naj kamolol Chairman eo ilo an ba ke enaj kajion bwe en lolorjake bwe en dedelok wot ilo bolen tore kein manwaj nan jomlok in session in.

Kommol Mr. Speaker.

SPEAKER KEDI: Kommol tata Honorable Vice Speaker, ilo listing e kio jea enaj kio kile Honorable Senator Jack Ading jen Enewetak.

SEN. JACK ADING: Kommol tata Mr. Speaker, ewor kajitok ilo jibbonin botab moktata bar juon alen kamolol Anij kon juon rujlok in ran eman, kile aolep office ko kab title ko rien kile, jej kile er aolep ien ilo floor in an Nitijela.

Kajitok eo imantata kajitok eo eaurok tata nan armij ro kojro ej jijot ilo etaer im enaj bolen follow up nan kajitok ko an Senator Loeak ej ikijen radio station eo an Kien im ekaal ao ron ilo jibbonin ke rej ronjake V7AB ilo Enewetak im bolen rej ronjake ilo online ilo Enewetak konke emoj an kio jermal system eo ijon im remaron go online, ak elane rej ronjake im naj ron ke emaron mojno wot jidrik, bolen kajitok eo ne, enaj jutak neet RF feeder eo ilo aelon in Ebeye enwot an kar Iroj rein ene –er aelon in kar koweppene im kokmanmane ke rej kotlok burej kein aer bwe RF feeder in en jutak ie. Mr. Speaker moktalok jen an kar jutak lal in, Kien in adwoj, aelon in Enewetak ejanin kar ronjake kwelok kein an Nitijela, ilo mol jen jinoin an jutak WSZO kab kio V7AB, kwelok kein an Nitijela rejanin kar ronjake ilo aelon eo kab barenwot program ko ilo radio in, im bolen etoren bwe jean en jiban jar ko bwe rej tollok bar konan ronjake kwelok kein an Nitijela, rej interested ilo menin konono kein an Kien elab tata, im Senator rein aer, im loklok eo ne ne ejutak RF feeder eo ilo Ebeye, inem renaj enwot aelon ko jet, renaj maron ronjake kwelok kein an Nitijela.

Kajitok eo arro kein karuo ej bolen bedbed wot ion melele ko jar ron kio ej jibbon ikijen jermal emanmon ko an Public Work nan ial ne adean tolok nan Laura, im enwot juon eo me ej barenwot kojerbale ial ne kab bolen juon ian wa ko amro rejad drebakbak jen wa kane jet, aolep ien ij ettor to nan joka turin Peace Park, iaikuj in lukin kokmanman ao ettor bwe enwot an Minister in kwalok ke enwot one way menen jonan an aidrik, bolen kajitok eo ao in ke rar rube ijon im koman bwe en aidrik lok kio nan aer komane

jerbal ko bolen jerbal ko an NTA, company ta eo ear rube kab ewi wewein kar bar kokmanmane, company ta ej ebbok eddo in naj kar bar komane bwe en enwot mokta im ear ke komane im elane ear komane ear bar biji, ear ke lor formula kab bolen material ko rar kojobale nan aer komane ial ne tolok nan Laura, original formula ko, bolen elane rar koman, bolen ebaj, enana formula ko rar kojobali ke ta ejab to aer bed im ebar, ewor motan ial en erub im ejab eman ad ettor ion? Ak juon ne safety hazard nan ro rej etto elab tata ro rej jokwe Laura im rej ettor aolep ran, aolep bon nan Laura, ej aikuj eman lok jidrik ial ne ilo area jab ne im bolen kajitok eo in ne company eo ear komane kubuj tolok ial ne nan Laura nan komane line kane an NTA, won enaj kar bar itok in komane im bar komane bwe en enwot kar mokta. Kommol Mr. Speaker.

SPEAKER KEDI: Kommol tata, juon kajitok elab an eman, im ne bolen jemaron ron jen iben Minister eo an Public Work kio ak ne ewor melele iben nan won ear kubuji tore ko lok mokta im kotlok bwe en jedmatmat im joren, wonmanlok wot mok Minister Tony Muller, Public Works.

MIN. TONY MULLER: Kommol Speaker im kamolol colleague e mota jen Enewetak. Eman kajitok in, elab an ruto konke tore in ke ej kab ja kar NTA in, local company eo ear kubuj ial en, emoj an dissolve company in, ak mekata Public Work ej wonmanlok wot im komane bwe, im emoj ao kar karon ri Ajeltake nan ri Laura, ibawot iar bar ba ilo mon kwelok in, ke Public Work ear jab komane ial en, bwe en eman nan ri Ajeltake im ri Laura, konke kumi ra ke reminene, ri Laura im ri Ajeltake ra nukidean ke reminene kon aolep ron, remaron kil mejaer im ettor lok nan Laura ak rejab dreton ilo ron ka, Public Work ear komane ial en nan ri DUD konke kojela ne ri DUD rej ettor lok nan Laura, erub ne, etoto pumper, erub muppler, ak ij tomak men eo earuok in ededelok ial en im kamolol aolep ro rar karejar ak jar lukin lale bwe en jino mokta jen kar moko mon Senator rane ilo jen Rairok lok nan Laura im ibawot ebwe an aiboj, men eo earuok in ededelok. Kommol.

SPEAKER KEDI: Kommol tata Minister, im jenaj walaltak wot, mokta jen ao lelok nan follow up inaj kile Honorable Minister in Assistance nan President, juon ian resident ro ilo Ajeltake, wonmanlok wot mok.

MIN. MATTLAN ZACKHRAS: Kommol Speaker, ikijen bolen ial ne, tujabne konono kake, rainin naj kab lo an wa pass e dron im ejadin kauwatata, bolen jeaikuj bar rube, ak eman kajitok eo lelontak jen Honorable Senator Jack Ading im kotobar eo kio bolen ne jemaron in naj jela lukin kajur eo an system en bwe jej ron ke emaron 25 wot taujin kilowatt ak emaron tobar Enewetak, rainin ej 13 ne ejimwe, taujin rej kojobale, 13 nan 15 ak ne jemaron test e ne eitok aolepen koboboin bwe jen maron in lelonlok nan capacity en an, bwe lukin capacity eo en 27 taujin kilowatt ak ekka aer ba jen bed ilo 25 taujin im ne emaron in test im jejela ke etobar Enewetak, bolen jemaron jab aikuji booster ne me jej konono kake ak ne ejab, ekwe jej jino lale kein jerbal in kadede lale jemaron ke naj boktok ien eo wot emokaj tata elikin ad komane test kein. Kommol.

SPEAKER KEDI: Kommol tata, im alikar ke iju buruwon Senator eo mota jen Enewetak, ej momajidjid im kio inaj walaltak ilo list e im inaj kio kile Honorable Senator David Kabua jen aelon eo juon amro Wotho, jouj im wonmanlok wot.

SEN. DAVID KABUA: Kommol Mr. Speaker, bed wot ilo aoo in kile im kautej eo iloan Chamber in nan ro rien kautej er, komro Vice Speaker, President eo ad im aolep member in Cabinet eo an, im Senator rein, ikonan barenwot kakobaik rilotok rein rej itok nan Chamber in, aolep Iroj im Leiroj ro ad im aolep armij in Majol.

Mr. Speaker jar ron ilo message ko an President kon an walok naninmij kane rej walon jen NCD ilo Majol in, im ebwe an report jar bar lo im ron ke Majol in ilo wodin bwil in ilo Pacific jebed ilo ijoka ilon jonan an lab an lon rinaninmij ikijen NCD, im ij kememej Mr. Speaker kar juon eo kar arrangement iben kar Former Ambassador eo an Japan ear komane iben IA kab Education, ministry kane ruo im rar komane juon kar ikkure ikijen enwot Community Relay im rej ba ekiden im rar jino jen Laura im kar idea eo ne Majol in en kar wonmanlok wot kake enwot juon an Whole Event, enwot kon an kar Embassy eo ak Ambassador eo ilo tore eo elak lo ke edrik exercise ilo Majol in, ear baj lomnake im komane im rar sponser e enanin aolepen emakitkit ko ilo ien eo im kar kotobar eo nan kojedeiki kar ikkure in im letok bwe kojean ilo Majol in jemaron kar continue –ki enwot juon annual event nae NCD, im ij baj lale menin ekun ke ear koman ilo yio eo lok ak yio jab in enwot ejanin walok, ear koman ilo February in yio eo lok im ewor ke an Government in lomnak in bar wonmanlok wot kake ak ta jej melokloke im jolok.

Im kajitok eo ao kein karuo ikijen dry doc, enwot kojean ar lukin jela ke motan hazard kane relukin aurok ej tima kane wad im elak wor joren jej jilikin lok nan ijoka retolak, elab money jej jolok nan aer etal in komani dry doc kan aer, im ear wor kar plan in boktok dry doc nan Majol in ak ear jab materize kar menin, im ij baj kajitok in lale iben Administration in ilo tore in, ewor ke bar lomnak in kajutak dry doc ilo Majol enwot ke enaj bar boktok elab revenue nan aelon kein enwot ke jejela ke Majuro in ebwe an kio lon wan enod ko rej itok nane im remaron utilize –I dry doc in ne enaj jejet kitien komadmode, im kar kajitok eo in, jej melokloke bar menin ke ak ewor bar plan in kajutake? Kommol Mr. Speaker.

SPEAKER KEDI: Kommol tata Honorable Senator David Kabua, ilo listing e mokta jen ao lelok nan Minister ro nan uak, enaj Senator Casten Nemra, Senator Bruce Bilimon, Senator Jerakoj Bejang, Senator David Paul im Senator Tony Aiseia, im enaj Senator Eldon Note. Ta ne ijone Senator Paul, ewor kakobaba ke? Ne imaron lelok nan Minister nan uak mokta im elikin inaj lewaj nan kakobaba, jea enaj kio kile Honorable Minister Madam Amenta Matthew, wonmanlok wot.

MIN. AMENTA MATTHEW: Kommol tata Mr. Speaker, im mokta jen ao letok juon uak ekadru wot, ikonan kamolol Iroj kon rainin, kile aolep ro rien kautej er, Iroj ro ad ilo mweo imweier barenwot ilo aolepen belak in Majol in im ijoko jet, Office eo am barenwot eo an Vice Speaker, Madam President, Minister im Senator rein, aolep armij in Majol im rein rebed ijin nan aer witness e kwelok kein.

Speaker ikonan kamolol Senator David Kabua jen aelon in Wotho kon juon kajitok elab an eman ikijen program eo me ear koman ekiden me ilo yio eo lok me ej ba kake, ilo letok juon uak ekadru, na make ejanin kar wor tok report jen ijo ej bok eddo in sport nan bar komane program in ak ej juon idea eo eman im inaj jerbale iben likao ro rej bok eddo in sport barenwot coordinate iben Ministry eo an Health Service ak iar jab lukin melele kon program eo ear koman yio eo lok, inaj boktok melele ko reman lok im enaj kabun buruwon Senator in. Kommol Speaker.

SPEAKER KEDI: Kommol tata, im ne imaron bar lelok nan uak mokta inem inaj lelok follor up ko nan Seantor rein, Minister eo an Public Work Minister Tony Muller, wonmanlok wot.

MIN. TONY MULLER: Kommol Speaker im ikonan kakobaba lok wot nan uak eman ko an Minister Matthew, konke Olympic Committee eo ke ej tollok kar bar lab kwonan ilo ekiden ne im jar bar jerbale iben Embassy en an Japan, ebwe an bunbun sport in ikijen ekiden ilo Japan, inak jete en bolen 400 jima yio in kar menin ak nan wot aer promote health enwot an Senator David Kabua kalikar im jidrik eo funding ear set aside jen NOCO ear komane iben kar Internal Affairs nan kar komane im jiban, en kar bar itok jen Japan, ak ejelok kajitok, juon in program elukin kar eman im Japan ej monono in bar, ekonan bwe en annual, aolep yio en eindre in an edoklok im kajurlok im jej jerbale wot iben Olympice Committee eo, ej jerbale wot iben Ministry of Internal Affairs bwe en eindre e an edoklok aolep yio.

Ne euak.

SPEAKER KEDI: Kommol tata Mr. Minister. Jea enaj kio kile Honorable Minister R&D im elikin inaj lelok follow up eo nan Senator Paul im naj Senator Kessai Note, wonmanlok wot Minister Alfred.

MIN. ALFRED ALFRED JR: Kommol Mr. Speaker im ilo jibbonin rainin ikonan muktata lelok nebar im kamolol Iroj jemed woj ilan kon onake im kojebarok ko an nan Republic in an Majol, kokaal aoo in kile eo ao nan kwe Mr. Speaker kab Vice Speaker, Her Excellency Madam President, Cabinet in an kab riutej rein ilo jikin bebe in an armij in Majol.

Mr. Speaker naj kautej im kamolol kon kajitok eo eman ear itok jen Senator in eutej jen Wotho ikijen dry doc, ej juon kolmenlokijon eo im elab an eman, eman bwe ebar karuj jet lomnak ko me rekar bed wot iben Kien in, kokajur lok infrastructure ko me renaj iton kokmanmanlok im kokajur lok jerbale in enod kab ialan leto letak armij kab moiuk nan armij ro ilo outer island. Ak jenaj wonmanlok wot Mr. Speaker inem bar kemour konono kein im emoj aer kar jino iben Jing Fu, juon ian company ko ilo Taiwan im kar letok an monono in jerbale ibed ikijen juon floating dry doc, ak ijelokin naj konono iben Jin Fu kon dry doc, ekwe jenaj bar kobelok awor nan konono ko redrebakbak lok ilo ad kajion in boktok juon ian kein jerbale kein me reaurok nan armij in Majol.

Kommol Mr. Speaker im bar juon alen naj kamolol kon kajitok eo elab an eman im ejejet im etoren bwe en kar walontak ilo tore in. Kommol Speaker.

SPEAKER KEDI: Kommol tata Minister, follow up eo kein kajuon ilo elajrak e enaj etal nan Senator David Paul im elikin naj Senator Kessai Note, wonmanlok wot Senator.

SEN. DAVID PAUL: Kommol Mr. Speaker im yokwe nan aolep im ikonan kile Anij jemed ilan ilo jibbonin rainin, im kile aolep ro rien kile er aolep ilo Chamber in im Iroj ro ad relab ibelak in Majol in im Leiroj ro jined im elab tata armij in Majol.

Speaker kajitok in ao follow up ej ikijen NCD menin me ejelot aelon kein, ak mokta jen ao naj komane kajitok in ao ikonan letok jidrik melele im jolok ao bod ne iar likjab in kar mention e ilo kar statement ko ao inne kon initiative eo me Kwajalein rainin ej boke nan wellness center program eo me Iroj in jema eo me ej juon ian colleague rein ao jen Kwajalein ej e nan bobrae, konke NCD ke jermal eo in jej aikuj in bobrae konke jenaj reito reitak im lale rainin Speaker aolep rein me emoj aer dreton ilo classified ke rej tonal im high blood im men kein, ej jen wot life style kein armij ej buki im ij kamolole kon juon ereimanlok eo me ekanoj in eman im Kwajalein im leadership eo kab aolep ro rej rie kotobar in nan lemanlok bwe program in en wonmanlok wot im enin jej loe rainin.

Kajitok eo ao in, konke NCD ke ej juon tarinae eo me it's a long term im it's a generational issue, im kajitok eo ao in nan lukin get to the bottom of it, tomak eo ao, ij kajitok iben Ministry eo an Education im Ministry eo an Health, konke nan tobar ajiri rane nejid kio, jej aikuj in ijino kon juon ijino eo me ekaal nan ad kajebarok er bwe ren jab bar fall into the same fish cycle ak ren jermal iben dron nan create –I juon curriculum eo me ej Health curriculum loan curriculum ko ilo jikuul ko im tomak eo ao e ilo ad dispense public fund ilo hot lunch program ko an jikuul ko, ej aikuj in une, eaikuj in lab une ilo mona ko im kajitok eo in bwe en lak koman mona kein ilo hot lunch program kein ke en jet mona ko me jen jab baj lelok wot rice im tuna im men kane me rejab lab une ibaer ak jen lilok mona kane me elab nutritional value ko ie im emaron lablok jidrik onen ak in the long term ke we're gonna get the return on investment by not spending money ilo ikijen treatment ko ilo hospital, konke ajiri rane nejid renaj lak rutolak, renaj ejmour.

Im kajitok eo ao in bwe Ministry eo an Education kab Ministry eo an Health ren eiki lok ilo curriculum kane an jikuul kane bwe en wor health curriculum ilo wewein aer naj katakin er ilo mona ko kijer im ilo activities ko me Senator in jeiu jen Jaluit ej ba eaikuj in bar wor physical activities ko, im kajitok eo ao in konke kojean naj konono kon NCD aolep ien im tarinae in me emoj an lal in ad declare e nae NCD, ak towan wot adean jab take care of the fundamentals me jej lale jen ajiri ro nejid, konke generation ne kio me emoj aer tonal im high blood, iburomoj in ba ak it's a lost cost, jej aikuj in kojebaroke er im lelok treatment ko nan er ak kojean ejab aikuj in bar cultivate –I juon generation eo me enaj bar rutotak im bar naninmij, kojean ej aikuj in jinoe kio im katok juon ine eo me enaj lak edok tok, eman len wojke in me ewemourur im ej jino jen jikuul ko kab ad katakin er im lelok mona ko renno im rejmour im reune nan er, kajitok eo ao in Mr. Speaker. Kommol.

SPEAKER KEDI: Kommol tata Senator, follow up eo jen Honorable Senator Kessai Note, im jenaj bar walaltak ilo listing e elikin, wonmanlok wot.

SEN. KESSAI NOTE: Kommol Mr. Speaker im bolen kar follow up ikijen ruo issue ko rar wonmantak, im juon iaer ej ikijen dry doc, ikonan kwalok ke ekar moj an dedelok juon dry doc ak ekar lab jumae konke kar tomak eo ne eitok dry doc en enaj lab prostitution iaelon kein im ne Cabinet emaron resolve - e issue jab in, ekwe jemaron konono kon dry dock.

Kein karuo ikijen naninmij NCD kane, naj ronjake jidrik in enaan eo jen President ne im ij kamolol bwe e aware kon problem in ak eaikuj wor juon solution eo me elukin drebakbak bwe eaikuj in kitbuj enanin

aolep kain ilo mour in, im moktata ikar konan kajitok, enwot ijab lo an rijikuul rane ran kein eboklok yellow card ne ilo ien en rej register, menin ej koman ke ilo tore in bwe motan men ko reaurok kein, im kein karuo, won ejab ba ejab ien kio bwe jen aolep rijerbal ro rej apply in jerbak iben Government ren bar bok test kein, en wor ien koman examination im kain kein, konke ejmour eo aer ke ej bar naj jelot quality in jerbak ko aer nan Government in ad, im ejab nan jerbak kein wot ak nan aelon kein. Im ijelokin ekwe ne jej konono kon exercise im kain kein reman, life style, im diet men ko bolen dre kane ak bwe jen jab kenan ilo abstract im kain kein, kojela toon wot an jab mour economy in ad, family ak armij renaj mona rice jibbon raelep, jota, jibbon, raelep, jota bwe ejelok choice, ne ekajur lok economy ne ekwe enaj lablok aer opportunity nan aer mona vegetable im bar kain kane jet me elab uneier, ak enne iar kwalok ke eaij wor juon holistic approach, jej lale jelalokijon, jej lale train, jej lale economy im aolepen men kein. Kar men eo iar konan kenan kake jibbonin rainin, kajitok ikijen ne jikuul kane ran kein kab koj ilo Government in jeaij wor go through program in takto kane me yellow card nan rijikuul kab rijerbal in Kien ren bar buki test kein bwe jen jela ke je ejmour im jemaron tackle e problem kein.

Ekwe kar kajitok ko ao kein, kommel Mr. Speaker.

SPEAKER KEDI: Kommel Senator, jet follow up kajitok ko reman, reaurok im Senator Momotaro, jolok bod ta ne ijone? Wonmanlok wot mok, ede in follow up eo inaj boke ilo tore in im jenaj wonmanlok ilo listing e, wonmanlok wot Honorable Senator Momotaro.

SEN. DENNIS MOMOTARO: Kommel Mr. Speaker im Mr. Speaker ij bed wot ilo ao kautej aolep, im kamolol eok kon am kotlok bwe in komane jidrik follow up, im naj lomnak eaurok issue in me kojean ar konono kake ikijen NCD, im naj baj reiliklok ikijen kar ekiden race eo me Senator e juon ej konono kake Honorable Senator David Kabua, ijelokin menin ekar bar lon bar walk a thon im race ko me rekijon komani kar jemanlok im naj ememej elon kottan arro involve enwot ien kane ne ej wor international woman's day, rej bar koman race, konan ran kane an cancer im ebar lon holiday ko ekijon kar koman men kein im kajitok eo ao ne jemaron bar limantak bwe jet kein wewein enwot ke kojean ej tan tarinae NCD im ikijen ememej konan bujin rej participate ilo kar wewein kein, ejab menin wot ak elon ian race kein rekijon sponsor jen konan jen Bank of Marshall, jen US Embassy, jen ROC Embassy im bar Japan Embassy im elab ad kamolole er kon aer itok limoin jokein kon aer lo ke NCD ej juon problem eo me kojean ej ione rainin, emoj kajitok eo ao in ke jemaron bar bukot wewein bwe en jab ekiden race ne wot ak en bar lonlok race im kojerbali wewein kein me ij lewaj ilo example, im men eo juon ikonon bar lemantak Mr. Speaker ej ikijen wellness program kane, jejela ewor wellness program ilo Majuro kab Ebeye ak kojean ej aikuj in bar ememeje bwe elon bar armij ro jet ilo outer island im ro me rej tollok bar problem ikijen NCD, bolen jemaron jab koman wellness jokan ak jemaron koman training ak educate –I armij rein bwe ren maron in kokmanmanlok aer mour. Im ikijen bar race kein, konan Ministry ko me rekijon bar bok eddo in kar walk a thon kein ej Ministry eo an IA, kab Ministry eo an Health Services, rekijon jerbak iben dron im komani race kein, im kajitok eo ao ij lemanlok nan iben Ministry kein ruo im bolen bar ko jet ne remaron bar jino bar look into these men kein ak walk a thon kein.

Kommel Mr. Speaker.

SPEAKER KEDI: Kommol tata Honorable Senator kon kajitok ko reman ilo follow up eo, ij lomnak kwon kar konono kon bar ekat enwot juon rikati, kommoll bwe juon ian riwanjonak ro reman ilo am ekat, kommoll tata im kio jenaj lor listing ne adean ilo jibbonin in rainin im kio jea enaj kio kile Honorable Senator Casten Nemra jen Jaluit, jouj im wonmanlok wot.

SEN. CASTEN NEMRA: Speaker kommoll, im jomokaj in mokta jen ao wonmanlok moktata lelok nan in nebar im kamololl jemed woj ilan kon mour im ejmour im barenwot kon aelon kein, konan likit ao nan in kile im kautej Iroj im Leiroj barenwot Owner eo ilo mweo imon Iroj ilo belak in aelon kein im ro ilikin Majol in, ao nan in kile im kautej rikaki ro jemed im kora in rikaki ro jined ilo aer tol koj ilo Ecclesia ko kajojo, kwe Mr. Speaker Kedi, Vice Speaker Anton, Madam President Heine, im member in Cabinet, colleague rein an Nitijela, Chamber in im armij in Majol, koba likao rein rej koba tok nan witness e kwelok in an Nitijela in aer.

Mr. Speaker inaj lelok tak jejjoo kajitok ko enaj iok lok Ra eo an jikin jelalokijon im barenwot enaj Public Work, im ikijen Jelalokijon ij walon tak wot kon report kein me emoj aer kar itok jejjoo ran rej motlok, im ikonan likit ao nan in kamololl kaki ikijen Public School System Annual Report School Year 2014, 15 im barenwot School Year 2015 im 16. Emoj ao jino lunuri report kein im najj lo report kein reoktak format kein aer ak juon ian table ka eitok limou najj lale ikijen ilo school year 14, 15 ej kwalok jete rikaki emoj adean lelon lok er jen high school level diploma nan Associate Degree im ilo yio e an 2014, 15 annual report e, ej kwalok ke ilo 2012 kar 307, 2013 280 emoj an jino wotlok 2014 174 im lak itok nan 2015 ilo ao lunuri report e juon ej kwalok im barenwot 2016, emoj enaj kajitok eo ao kein kajuon in ne emaron itok melele kon jete kio adean rikaki ilo Public School System eo adean emoj aer elevate jen high school degree lonlok nan degree ko lonlok, ijela ke kar kotobar eo im kar juon wewein eman nan kajion elevate –I qualification an rikaki rein ad bwe en wor ad quality education, that’s kotobar eo ne.

Im ejja ilo Education wot, kajitok eo kein karuo Mr. Speaker, ij bar lo im ij kajion lale jikuul ko ilo aelon eo juon adean ilo Jaluit, rebed ia ilo ranking, ne itok nan loan Jaluit, jikuul ta e me ejad le ian jikuul ka woj ak lajrak tak im barenwot keidri nan belak in aelon kein, im ejab walok ilo aolepen report kein, im ij ba bwe ibab juon in wewein eman, kar jet week emotlok jar konono kon lelok reward im kile jikuul ko rebed ilo top level im enwot juon rikwelok in aelon eo, ikonan jela jikuul ta e ilo loan Jaluit me ebed ije lontata bwe en eman ad kile er im barenwot ekatak ta e rej komane bwe jen bar jiban jikuul ko jet loan Jaluit bwe ren bar walontak.

Im kajitok eo ao eliktata ikijen Public Works, im ikonan likit mokta ao nan in welcome back nan Minister Muller, kamololle kon uak ko ear litok kio ej jibbon, enwot ao kar ba ke jej support activity ka an private sector ak in the absent of policy iman mejed kio jej lelon tak kajitok kein nan seek clarification. Im ij kajion melele ilo kar uak eo an ej ba ekar lon project rar bok jikin im ewor funding ko rar koman ilo budget im bar supplement im ilo ao kajion melele lok bolen ear jab sufficient funding in, imaron kojerbal heavy equipment kein an Kien nan offset e cost kein an Kien bwe private sector eo en wonmanlok im operate –I, enwot melele eo ij baur in, im ne eitok nan offset, melele eo ao ejab juon scheme eo ekaal, koman offset im ilo mol ebed ilo kakien ne an Financial Management Act maron eo lelok nan Secretary en an Finance, emoj ilo offset in kajitok eo ao ilo kautej, bwe en baj eman ao melele, emaron ke itok

copy in document in me ej outline –I jekjek in offset kein, konke ijo ikonan bar lale provision ta ke kojean ej nan offset –I asset ka an Government nan bolen likjab in kolla an Kien jen private eo im jej offset –I equipment kein an Kien, enwot melele eo itobare in. Ekwe kommel Mr. Speaker.

SPEAKER KEDI: Kommel tata Honorable Nemra, juon ian Senator ro jen Jaluit, inaj lelok nan Cabinet nan wonmanlok wot im letok jabdewot uak ko an kajitok ko an Jaluit, jea enaj kile Honorable Minister Tony Muller, Public Works, wonmanlok wot.

MIN. TONY MULLER: Kommel Speaker im bar juon alen kamolole juon follow up kajitok eman, jenaj boktok tibdrik in im kajion tibdriki tok bwe en enam an Senator in jen Jaluit melele, ak enwot ao kar ba ekein lok Speaker, etobrak jermal kein im jabdewot wewein eo jenaj komane, ne jej aikuj kubol jidrik wewein iminene bwe en tobrak aikuj ko an armij ke men eo jenaj komane ne, ak bwe en bun buruwon kon juon bolen kajitok eman, jet uak ko renaj kabun buruwon, ekwe jet kane ran rej bedro tok nan lelok jet uak ko nan bolen koman bwe en bun buruwon, ne emelele, ak ejab jomlok ad ba nan aolep rikwelok ro adean jen Senator nan Minister nan Mayor nan Council ke ebelok office en aolep ien nan boktok kajitok drikdrik kein bwe jen jab bok ien elab im kajion uak kajitok kein me jemaron kar komeleleik dron ilo office, ak ne konan eo in bwe armij ren melele lok wot wewein jermal kein adean, najj erra 100% transparency, ekwe men eo jenaj komane ne, ak men eo ij ba in im ij tomak iben bujin, men eo eaurok in ke en tobrak. Kommel.

SPEAKER KEDI: Jea enaj kojeblok nan Honorable Senator Nemra nan follow up.

SEN. CASTEN NEMRA: Speaker kommel kon am bar letok jidrik ien nan ilo mejatoto in follow up im ij kamolol Minister Muller im jenaj monono in naj jermal iben ak ikonan bwe en alikar bwe kajitok e ao ke it's a policy implication, konke melele eo kio ke jemaron kojermal heavy equipment ka an Kien nan offset e ijoko Government elikjab jene, melele in ke Government emuri ilo juon company emaron bar lelok MV Aeman bwe ren boke im kojermal nan konan ko aer, ekijon wor offset ak ekijon koman through tax scheme, through maron eo kabbe nan Secretary eo an Finance iumin Financial Management Act eo, e en ej offset e through tax scheme, ejanin kar wor ilo ao melele heavy equipment ak asset ko an Kien, emoj ijo ij kajitokin in, ejab kon particular company ak case in, ak it's a policy question. Kommel Speaker.

SPEAKER KEDI: Kommel tata, juon follow up eman, im inaj bar kojeblok mok nan Minister Muller mok?

MIN. TONY MULLER: Kommel Speaker im eman, imelele im iar jab itok bwe nain koman akwel ak ne jej lor kakien kein me jej ba Financial Management Act, juon ne bar kakien ekajur jej ba procurement code, im ne jej tan ekajet ilo floor in ke ekwe jen ekajet im imaron wanjonak kon wa kane wan jet ian Chairman ro an Board rej by pass procurement code ne bwe en erom waer, ekwe ne men ko jekonan debate –I ka ilo floor in, ak enwot ao ba ebelok office en nan komeleleik dron kon men kein im ne ekonan bwe jen boktok policy kane me nan kio rejanin ejak ilo jet ian Port Folio kein im jej kajion review –ki im komane, okay so be it, jenaj komane. Kommel.

SPEAKER KEDI: Kommol tata Minister, jenaj walaltak ilo listing ne ak lukin mol motan ruo adean minute im enoul lalem second im Senator Bruce Bilimon, kajion kadrelon mok kajitok ne am loan ruo minute, wonmanlok wot.

SEN. BRUCE BILIMON: Kommol Speaker im bed wot ilo aoo in kautej eo an jikin bebe in eutej an armij in Majol, kile im kautej eok Speaker, Mr. Vice Speaker, President in ad kab rein uan Cabinet, Iroj im Leiroj ro aer aelon kein, Owner eo ilo imweo imon Iroj, Chairman eo ilo Council of Iroj, im likao rein rej koba tok ibed ilo jikin kwelok in, im aolep ri Majol.

Speaker inaj komane juon wot ao kajitok bwe ebaj drik ien ak ne konaj letok jidrik arro ien ilo bar ne jerol tok. Kajitok e ao ej follow up wot nan ikijen kar IAC Insurance eo im kajitok eo ikar lelok nan iben Minister in Assistance, Minister e mota jen Namdrik ikijen kar an kar kwalok ke ej subject to negotiation kotan PSC kab Company eo me ej lolorjaki insurance program ne adean, ekwe kajitok eo ao in, eman uak eo ak kajitok eo in elon ke timeline, ewor ke juon ien enaj alikar uak eo im ej lukin uak eo me ej komlot im kalikar jekjek eo me ekar oktak, ej walaltak kolla eo jen \$6,000.00 nan \$3,000.00, elon ke uak kab enaj alikar net. Kommol Speaker.

SPEAKER KEDI: Kommol tata Honorable Chairman Senator Bilimon, wonmanlok wot mok Minister in Assistance ilon jejo second kein.

MIN. MATTLAN ZACKHRAS: Kommol Speaker, imonono in kubuj tok melele kein reman, oktak kein rar koman ilo 2012, ijab jela ia eo ibed ie ilo tore ne ak na inaj kenan iben PSC im bar letok juon uak eo me elukin naj alikar. Kommol.

SPEAKER KEDI: Kommol tata Mr. Minister, ewor 25 second remaining ilo kajitok im uak im ej wor wot 4 rikwelok rejanin bok kwonaer ak rar kajutak peier rar konan bok kwonaer, im imaron kile eok Madam President mok.

PRESIDENT HILDA C. HEINE: Kommol Speaker, kommol kon am letok jidrik arro ien ilo jibbonin rainin bwe in bar maron koman tok jet kakobaba ikijen kajitok im kolmenlokijon ko elab aer eman im rar wonmantak jen rikwelok rein, Senator rein, ikijen area ko ruo me elab aer aurok, koj woj ej aolep kolmenlokijon ke reaurok ilo kotobar kein an aelon kein ikijen ejmour im barenwot ikijen Education, im inaj jino kon concern ko ikijen NCD im aolepen kolmenlokijon ko me rar wonmantak bwe Kien en kolmenlokijon kaki ilo an komani jermal kein ikijen na kitien NCD, im ejelok kajitok ke kolmenlokijon kein elab aer eman im renaj itok nan kokajur lok jermal ko Kien ej komani, ikonan ba ke ikijen kajitok eo kon yellow card, yellow card ej jermal ilo jikuul ko, ejelok juon ajiri ej register elane yellow card ko rejab jermal ak rejab maron bukotoki.

Ikijen Health clearance nan rijermal, motan requirement ko kein me PSC ej require –I ilon juon employee apply, ej police clearance kab Health clearance, emoj wewein kein ruo rej motan wewein ad jermal, ejelok kajitok ke juon hollistic approach ej wewein eo me Kien ej aikuj in lale im koj woj ilo enwot ro me rej tol ilo aelon kein jej aikuj in kolmenlokijon kake, im ilo kwelok ko an Cabinet ilo ran eo inne,

kem ar konono kon NCD action plan eo me ekar an Kien jen yio ko mantak nan kio, im ilo tore in jej kajitok bwe Ministry eo an Health ren tan bar review –ki enwot ilo Agenda 2020 ej bed ijone ke ilo 2016 jej kajitok bwe NCD plan in en review im bar wonmantak kon elon kain bar kakobaba ko enwot ke emoj an oktak lok bar elon kain situation im ej aikuj in updated bwe jen maron komane, im approach eo jenaj lale in ikijen ad komane NCD in bwe en holistic, en jino ilo jikuul ko ad im en lab kwonan Education ilo wewein in ikijen Health curriculum ikijen physical education im barenwot ikijen koman bwe jikuul ko en wor aer gardening program ko, im jejela ke private school ko elab aer le ilo gardening ilo jikuul ko, emoj an kar public school ko jino komane juon mandate bwe kajojo jikuul en wor aer garden bwe ajiri ro ren jino ejab appreciate –I im kautej wot wewein ekat ak barenwot ren maron jela im aurok in mona ko rej walok tok jen garden kein.

Im jet kein wewein ko Local Government im kajojo Senator ilo aelon ko aer remaron push –I ak iuni jikuul ko im jiban er lolorjake bwe gardening ko an jikuul kein ren walon lok elane koj woj ej aolep reimantak ke ewor kwonad ilo iun manlok NCD bwe en walaltak jen jonan in ebed ie, im jej kajitok karejar ko im support ko an ritok rein bwe ren bok kwonaer ilo jikuul ko aer, lolorjake bwe wewein kein ren bok jikier, im jiban rikaki im jikuul ko bwe ren maron kajur lok aer komane wewein in, ak emoj an kar Ministry eo an Public System eo ilo yio eo lok hire e jet aer rijerbal ikijen gardening kon wot kolmenlokijon in ke ej aikuj in wor support nan rikaki ro ilo jikuul ko bwe ren lolorjake gardening ilo jikuul ko aer.

Emoj jet kein initiative rej bok jikier, rejanin lukin kajur im bolen wewein eo in jeaikuj iuni manlok bwe ren kajur ak ilo tore in jej lolorjaki im bolen naj ilo plan in an NCD elane enaj walontak aolepen wewein kein renaj bok jikier, ekoba iben kadrelon tok ekiden im aolepen wewein ko jet nan physical education im kokajur lok, im imaron ke wonmanlok wot jidrik Speaker ke emat ien?

SPEAKER KEDI: Ne kojean maron, Madam President ne jemaron bolen ja kakkije mok jidrik?

PRESIDENT HILDA C. HEINE: Eman.

SPEAKER KEDI: Nitijela ej kakkije jidrik jen mejatoto mokta. **(kakkije jidrik)** Jej joblak tok nan mejatoto kio im ilo kar kakkije jidrik eo nan lale wewein jerbal kein an Nitijela, nan ro rar jab maron ronjake kakkije eo, nan lale wewein calendar ne rainin kab elab tata bill im resolution ko reaikuj drelon tok nan aer lolo ilo agenda ne an rainin, im eliktata ekar, ilo mokta in kakkije eo Madam President ekar wonmanlok wot im komen kar uak ko am im ne imaron kajitok iben juon ian member rein ne jemaron bar kaitok lok jidrik kajitok im uak elab tata nan ad bok uak ko jen Cabinet kio ej jibbon kon kajitok aurokrok ko rar walok. Senator Nemra komaron ke letok juon motion nan kaitok lok jidrik item nombra 6.

SEN. CASTEN NEMRA: Kommol Speaker, ij koman ao bebe bwe en wonmanlok wot minute kein nan an Head of State kab rein jet tollokier bok kwonaer ilo agenda in, enin ej bebe eo Mr. Speaker.

SPEAKER KEDI: Kommol tata Senator, ewor juon bebe nan kaitok lok item nombra 6 im emoj an second, ro eindre in aer lomnak ren ba aet? (aet) Einjuon jab? Inem jej wonmanlok wot ilo item nombra 6 ekar nan kajitok eo bwe en aitok lok elab tata nan ad ron uak ko jen Head of State kab Minister ro tollokier ilo jibbonin kon kajitok aurokrok ko an aelon kein. Madam President, jouj im wonmanlok wot.

PRESIDENT HILDA C. HEINE: Kommol Speaker, kamolol kon am bar letok jidrik arro ien nan arro maron letok bar jet ak jejojo uak ikijen kajitok ko rar walontak jen Senator rein ilo minute ko rej jomlok lok, ko me ij kolmenlokijon kaki ke elab aer aurok im elab aer barenwot koketak Kien in ilo ad iben dron im kajion jerbali aban kein rejelot aelon kein, im jejela ke aban kein rej jet aban ko me eto im to aer kar edok mantak im jemelele barenwot ke rej barenwot aban ko me enaj bok ien nan lolorjaki bwe ren walok, botab ejab melele in jen bed bajok wot ak jej aikuj in ukoti strategy kein ad im barenwot focus ion wewein kein bwe jen maron lo jet mejlaer ko me remaron alikar iman mejed ilo yio kein rej bedro tok, im jekar konono kon NCD im ijela ke juon in concern elab an aolep kolmenlokijon kake, im ejimwe kolmenlokijon ko ke jejab aikuj in kotlok bwe generation ne ej walontak en juon eo me enaj barenwot bok naninmij kein ak ren aikuj in oktak kolmenlokijon, wewein mona, life style, aolepen wewein kein jeaikuj bukot kilen jino jen moko mod lok nan jikuul ko ad lok nan iben Ministry kein adwoj kajojo bwe jen bok kwonad ilo aolepen wewein kein, im jej rojan kajojo agency ko im barenwot Ministry ko bwe ren komani kain program ko me remaron bok jikier ilo jikin jermal ko, ko me renaj encourage –I mour ko me reoktak lok jen ko me jeminene kaki barenwot wewein mona ko me jej iminene kaki im ukoti lok jen ko me jej lori ilo rainin.

Ijelokin kar konono in kon NCD, barenwot kajitok ko ikijen Education elab aer aurok, Minister eo an Education ejako ijin ak enaj bolen bar itok im koman kakobaba ilo tore kane rej itok. Ikijen level in rikaki ro ad ilo ad kar komane jet ak bok jet bunton ko ilo yio ko rej jomlok lok me jej consider ke rej aggressive ak elab aer kar lon bunton ne ko jekar buki nan ad maron address e an lab an lon rikaki rejanin kar bed io level ko me ekar bwe ren bed ie ekar nan kakien ko ad, im ilo chart ne ilo page 7 ilo report ne an Education im Senator Nemra ej code jene, ej kalikar ia in jebed ie ilo ad bukukot kilen bwe rikaki rein ren wonmantak im mekarta report ne ejomlok ilo 2014 eo, jejela ke elon oktak ko emoj aer bok jikier jen ien eo nan tore in ilo kio ke jebed ilo 2016, im ilo ad lolorjake rikaki rein mantak emoj an walaltak jonan rikaki ne me ej bed wot ilo level ne ejanin moj an meet –I requirement ko an rikaki tok nan kio 20%, ilo tore ne me jekar jino address e wewein in, ekar 30 jima kebak 40% in rikaki ro rejanin kar meet –I requirement kein im emoj an kio walaltak.

Ejja ilo tore in wot emoj an walonlok level in rikaki ro me elon aer BA degree im ilo an nombra kane kwalok, rej kwalok ke nombra in rikaki ro me elon aer AA's ejab walonlok ak ebed wot ilo 43% iumin yio kane jilu, im un eo konke elak lon aer AA's degree kio, rewalon lok wot nan BA, im emoj an edok manlok jonan rikaki ne me elon an kio BA degree, jej tomak ke ekebak 200 ilo tore in jen kar yio ne eliktata me ej walok ijone. Ejoj elon wewein im ejelok kajitok kake ke qualification an rikaki ej jelot barenwot an rijikuul ro perform, im kajitok eo an Senator eo jen Jaluit ej ba ebed ia Jaluit ilo tore in, im ejelok ilo report ne ej kalikar ranking an jikuul botab ewor jet indication ko me remaron kwalok ranking ijone ilo ad lale performance ilo test ne an entrance test ne nan high school ko im ej kalikar jonan percent in rijikuul ne jen Jaluit ilo kajojo jikuul kane rar pass nan high school, elane jenaj lale ruo wot jikuul rar

kadrelon rijikuul nan high school ne jen Jabwor im kab jen Jaluit Jaluit, aolepen jikuul ko jet ilo Jaluit ne ej kalikar ke rej aikuj jiban, im indication ne nan class 8 ak jemaron bar lale result ko jen class 3 im class 6 im rej bar letok juon bija eo me enaj bolen complete lok jidrik ikijen ranking, ak jenaj kajitok iben Public School System eo bwe ren letok juon ranking ikijen ia in me kajojo jikuul rebed ie bedbed ion aolepen test kein me ilo tore in rej administer nan kajojo jikuul kein, im ranking kein renaj itok ikijen public school barenwot ikijen private school bwe en eman adjean melele kake, im kajitok eman konke jeaikuj bar lale indication ko jet me rej koman bwe jikuul kein ad ren mojno. Ekka an lak itok result kein, jikuul jidrik ko me elab an iet rijikuul ie, motan jikuul ko me elukin low performance tata ilo data kein rej itok, im Public School System eo ej kio lale jet karok ko nan bolen koman bwe jikuul ko redrik, en wor bolen level in grade ko rej bed ie, en jab lab an expanded jen class 1 nan class 8, ak jen bolen lali wewein ko me enaj kadrik lok jidrik stand of grade en bwe en barenwot lab an rikaki ro focus ilo grade ko me rej katakini bwe ejelok kajitok ke jikuul jidrik kein ej motan jikuul ko me relukin ben aer wonmantak im lon ajiri rej wonmantak ie.

Im ikar konan wot ba jejojo ian wewein kein ilo tore in Speaker, enwot ao ba jej naj lale bwe Public School System eo en letok jet report ko me rej current nan 2016 im barenwot kwalok tok ranking ko an jikuul kein bwe rikwelok rein ren rol im jermal iben rikaki ro barenwot ilo community ko aer nan jiban support e wewein kein me koj woj ej aolep edodo kaki nan ukot iliju im joklaj ne an aelon kein. Ekwe inaj bojrak ijone Speaker, kommel inaj bar maron uak elane ebar wor jet kajitok tok elik, kommel wot.

SPEAKER KEDI: Kommel tata Your Excellency, jea enaj kio kile Honorable Minister Kalani Kaneko jen jikin Eymour eo ad, wonmanlok wot Mr. Minister.

MIN. KALANI KANEKO: Kommel Mr. Speaker, enaj juon menin jerawiwi kilebleb ne iban bok kwonao ilo kajitok im uak konke ilo ad lukin lale NCD ej bed ilo juon ian issue ko relab tata ilo jikin eymour eo me doctor ro kab nurse ro rej tarinaeiki jen ran nan ran nan ad maron jiban im komane jermal eo ad nan armij in Majol, ijowotke Mr. Speaker mokta jen ao wonmanlok im bok kwonao ikonan maktata kamolol Anij jemed ilan kon juon ran eman, ikonan kile eok Mr. Speaker, Vice Speaker, Madam President Hilda C. Heine, Cabinet Minister rein kab Senator rein woj motaro ilo jikin bebe in, Iroj ro rellab ilo mweo imon Iroj kab Iroj ro im Leiroj ro belak in Majol in kab tulikin Majol in koba Owner eo, ikonan barenwot kile likao rein me rej itok im lale im witness e ad kobelak iliju im joklaj eo an lal in ad.

Mr. Speaker ilo kajitok ko rar itok im comment kab suggestion ko rar itok jen iben Honorable Senator rein, kein kajuon kajitok eo jen iben Honorable Senator David Paul ikijen an jikin Eymour eo ak Ministry of Health jermal iben Education nan ad address e NCD ak naninmij ko me rej jarjar tok jen life style kab mona ko me juon armij ej buki jen ran nan ran, im nan uake, aet, Ministry eo an Health koba iben Ministry of Internal Affairs im kab Education rej jimor jermal iben dron, emoj amjel Minister rein jino plan e manlok im jino kenan iben dron kake nan ad address e issue in. Kein karuo kajitok eo jen iben Honorable Senator Kessai Note, ikijen yellow card nan jikuul ko ej ke required, nan uake Mr. Speaker aet yellow card ej motan requirement document ko ak pepa ko me koaikuj kwaloki ilo am naj register e ajiri eo nejim ilo jikin jikuul ko, im nan kakobaba lok wot ilo nan ko reman me Madam President Hilda Heine ear kwalok tok nan koj woj ilo jikin bebe in, PSC, enwot an kar uake ke PSC motan requirement ko

ijelokin background check ej barenwot clearance jen MOH (Ministry of Health), im juon in kajitok elab an eman kab komelele ko an Honorable Senator in ilo an kar bok kwonan im komeleleiki im ij kamolole kon suggestion ko me relukin eman nan ad lomnaki, elab tata an Ministry of Health lukin likiti ilo plan ko an, konke ne kojean naj address e naninmij kein early stage ak ien ko remokaj ijelokin ad kotar, lal in ad enaj safe elon mour kab elon jaan ko ne jenaj treat –I ilo early stage, im kommel Senator kon suggestion ko kab ilo am komeleleiki aurok in ad approach –I NCD ak kile ad treat –I NCD.

Ikijen holistic kab approach, juon in lomnak elab an eman im Mr. Speaker ikonan report nan Nitijela in ke juon en task force, NCD Task Force, im lukin kotobar eo nan aer bukot wewein ko me rekar ilo ad tarinaeki naninmij in NCD im NCD Task Force in rej barenwot jiban koj eiki kakien ko ad im rej advice –I koj im koman tok ad recommendation nan ad jikin bebe in im lunuri im lale ta ko rekar nan ad address e naninmij in me ej kakure koj jen ran nan ran, im ikonan kalikar ke NCD Task Force eo emoj an jino bok jikin im jet kane bill renaj wonmantak nan adean ilo jikin bebe in lunuri im lukin etale koban nan lale ta eo ekar im jimwe im jejet nan resources kein ad im kab skill kein me rebed ibed.

Kajitok eo juon ear itok jen iben Honorable Senator Dennis Momotaro, ikijen ta eo im kilen an Ministry of Health kab Education, ta ko rej komani nan jiban tarinaeki menin, im emoj ao kar komeleleik lok iman im ij tomak uak ko emoj ao kar uaki lok iman ijowot ke ikonan highlight –I wot im kamolole kon suggestion ko me ej kwaloki ikijen activity im ta jermal ko jet. Imaron ke wonmanlok wot Mr. Speaker?

SPEAKER KEDI: Wonmanlok wot.

MIN. KALANI KANEKO: Kommol Mr. Speaker, im mokta jen ao naj kojemlok men otemjej, ikonan uake kajitok eo me ear itok jen iben Honorable Senator David Kabua ikijen tonal, naninmij in tonal ak diabetes.

Level ak stage ta eo me ej borjak an juon armij in Majol bojrak benefit ko an ikijen referral, im uak eo Mr. Speaker ej naninmij in tonal, aolep naninmij ko me rej jarjar tok wot jen naninmij in tonal ak complication ko me rej jarjar tok wot jen diabetes rejab referable Mr. Speaker, konke iburomoj in ba menin ak mol eo in ke ne enaj jekjek eo in, jenaj kotlok bwe en refer aolepen naninmij kein, melele in enaj bolen aolepen hospital im refer im iloan juon allon enaj man jaan in referral eo adean im jeburomoj kon wewein in im jej lukin etale im lunuri im lukin lale ta ko rejejet ilo ad lali policy ko, kilen tax, kilen ad jilikin lok rinaninmij rein motad me jej jijot ilo etaer nan ad lale ta eo ekar tata nan treat –I naninmij kein, ak overall Mr. Speaker, ebwe an lon jermal ko reman im remoj aer tobrak iben rijerbal ro me tollokier nan aer address e naninmij in NCD, botab men kein rej bed wot ilo plan, enwot an kar Madam President in kalikar nan koj woj ke ne kojean ej lomnak kon holistic approach, enaj bok juon ien eo me ejab kadru, ijowotke ejab bojrak an task force in bukot wewein ko me rekar nan ad maron address e im bukot wewein ko me rejimwe nan ad koman im ilo ad leto letak service in ejmour eo nan armij rein adwoj im motad woj im elab tata jej jijot ilo etaer ilo jikin bebe in.

Im Mr. Speaker naj lomnak uak ko me rebed ibba kein imaron provide –I im ne ejab lukin jejet nan kajitok kein im comment kein an Senator rein, ekwe inaj bar jijot ibaer im lukin bukot im emoj ao bar

bok note ko ekar nan suggestion ko rar litok konke elab aer aurok nan ad kalok policy eo enwot an kar Madam President kalikar ke juon en policy im emoj an jiton Ministry of Health bwe en bar lukin etale NCD policy eo an, im menin ej ongoing wot enwot ad kar komeleleik ran ko rej jomlok lok ke elon kain technology in kilen treat –I naninmij kein jej loi jen ien nan ien im jeaikuj bar jeniji jidrik policy kein im ukot jidrik kilen ad approach –I ak treat –I kain naninmij kein kab wewein ak plan ko ak strategic planning ko me enaj lukin jejet nan ad lunuri im bukot wewein ko rejimwe nan ad komadmode im buk mejlan aban kein me rej jelot armij in Majol.

Kar naan ko iar boktok kein Mr. Speaker im ne elon bar kajitok tokelik inaj bar monono in bok kwonao, kommel Mr. Speaker.

SPEAKER KEDI: Kommel Honorable Minister, im privilege men ne ijone ke Honorable Senator Jack Ading, wonmanlok wot mok.

SEN. JACK ADING: Kommel Mr. Speaker, ejimwe privilege men e ije, ak Mr. Speaker koj woj aolep im erra im melele ke nomba juon priority an lal in ad ej Jelalokijon, im elab adean konono kon jelalokijon konke elukin aurok nan koj, nan lal in, ejab lal in ad wot ak aolepen lal in, im ej walok ilo budget kane adean jen yio nan yio nan yio enwot ad lukin in jolok elab, nomba juon lab tata budget eo an Jelalokijon yio otemjej, im ne imaron kajitok bwe jen lelok credit nan ijo ej aikuj in etal nane, im recognize –I juon ian armij ro me rej kate im lelontak level in jelalokijon ilo Majol in im Mr. Speaker naj jab run jen Ailinglaplap ak Ailinglaplap next time ak ikonon kajitok iben aolep bwe jen maron in lelok juon kile im nebar nan juon ian rikaki ro ilo Woja Elementry School eo ej bed ibedean ilo raelepen rainin, jemaron ke lelok juon kabokbok.

(KABOKBOK)

Ring ebed ilo jibbonin rainin, kommel Mr. Speaker.

SPEAKER KEDI: Kommel tata, Senator jolok bod bwe ijab lo eok ijone ak men eo eman in Nitijela ebol mejen, im welcome, kommel. Minister in Assistance to the President im elikin jenaj lale ne ewor juon motion nan bar komakit Nitijela in manwaj ilo awa kane rej bedro tok, Honorable Minister Zackhras, wonmanlok wot.

MIN. MATTLAN ZACKHRAS: Kommel Mr. Speaker bar juon alen im ij bed ilo mejatoto in kautej eo adwoj nan dron kab nan Iroj ro ad im aolep armij in Majol, im kile in ear itok jen jikuul eo adean juon ilo Ailinglaplap.

Eaurok kajitok eo jen Senator Bilimon jen Maloelab im elikin ao iaronron kio, jejjo minute rej jomlok lok, iar konan bolen letok tarleb in uak eo enwot ke ej kajitok ta bedbed ak ta rational eo bwe jen kar maron in komane ak lore, accept e oktak in ilo policy eo iumin insurance plan eo ad ak IAC, enwot adwoj jimor jela, im option ne ej konono kake ke option 4 im option eo dre ne me ej include ak ekobaiki jined im jemed, rijerbal, kajojo rijerbal im in law, parents in law, im ejimwe melele ko an ke, im bolen an

kalimjeke kon bolen oktak in premium ne me jar kollaiki mantak, im premium ne ej biweekly im ilo enwot ao kar ba lok iman, ilo 2002 eo, bolen tore eo rar bar negotiate –I plan ne im ear jarjar oktak ne, melele in ear walaltak premium ne me ej cover e jined im jemed im in law ro ad, jen \$5,000.00 nan \$3,000.00 im ilak konono iben jar ka PSC, ijelokin aer kio review –ki plan ne im naj bar bid it out enwot an kar alikar lok iman, ilo tore eo ear bolen itok wot jen anjiwiwi in kar wor economic crisis ilo tore eo IAC ilo konono ko an iben PSC, ear kajitok ne emaron in walaltak benefit kane jen \$5,000.00 nan \$3,000.00, im enwot ao ba ijab kanoj in jela what took place ak ta eo ear koman ilo tore eo, ak melele ko kein rej itok ibba, im ear jab lab ien ak ilo tore eo PSC ear kajitok bwe ren accept e im naj kar konono 6 allon tokelik im bar review –ki, ijowotke 6 allon tokelik ear jab koman konono kein, im elak kar bed oktak ne ijone \$3,000.00 ne, im dede in ke ilo option 4 ear bar walon lok premium eo jen \$21.00 biweekly koj woj ej kolla nan \$24.00, \$50.00 ilo option 4, im ij melele tarlep in kajitok eo an im ij lo aurok in an concern ilo etan aolep ro rej bok benefit ko aer ak rej kojerbal option 4 ilo plan in. Kommol wot Speaker.

SPEAKER KEDI: Kommol tata Mr. Minister, ia eo ikur eo ej itok jene, wonmanlok wot mok Senator Eldon Note.

SEN. ELDON NOTE: Ewor najj lale ij bed wot ke ilo list in kajitok eo?

SPEAKER KEDI: Inne kwe e ilo list e eliktata elikin naj kar Bejang, Paul, Aiseia inem naj kar kwe.

SEN. ELDON NOTE: Ij kotar wot, kummol.

SPEAKER KEDI: Ekar, jemaron ke kakkije mok 1 wot minute? **(kakkije jidrik)** Elikin kakkije jidrik eo Nitijela ej joblak. Nitijela ej bar joblak tok kio elikin kakkije jidrik eo im jenaj wonmanlok wot ilo listing in kajitok im uak ekar nan kar bebe eo bwe jen wonmanlok wot im kaitok lok nan an Minister ro bok kwonaer elab tata uak im jenaj wonmanlok wot kio nan lali kajitok ko eliktata jen Senator ra ilo listing e kio im jea enaj kile Honorable Senator Jerakoj Bejang kon kajitok ko am, wonmanlok wot.

SEN. JERAKOJ BEJANG: Speaker kummol, muktata kamolol Anij eo ej iman men otemjej, kile kwe Speaker, Vice Speaker, President, Cabinet member rein, Senator rein, Iroj ro mweo imweier kab ro ilo belak ko, armij in Majol.

Juon arro kajitok Mr. Speaker konke ejab lukin lab ien ak elon jerbal ko iman, botab muktata ikonon kamolol Disast me ear ronjake aikuj eo an ene eo ikijen kar maro eo enwot aer kar boklok juon engine in ukok dren jen salt nan aiboj, botab ewor wot, bolen kajitok e ao enaj iok lok wot ro tollokie, konke ear jab maron hook up kein koman dren in konke juon pump ejabwe nan an, kojela aelon eo arro ettolak lojet ak kojab maron kub lalok bwe emulal, im ne kwoj ene ne lok kwoj walon lok im kajitok eo ao ne, ne emaron bar etal juon pump bwe en maron tobrak kajitok in aer. Kummol.

SPEAKER KEDI: Kummol tata Senator eo mota jen Ellip, ne ewor jabdewot jen Cabinet, elane ejelok ekwe enaj itok wot uak ko nan, ne inaj kile mok Minister in Assistance nan President Honorable Zackhras, wonmanlok wot.

MIN. MATTLAN ZACKHRAS: Kobar emol Speaker im jenaj kebak Office en an Chief Secretary im Disaster Committee eo, im bar iaronron elane ear wor jabdewot likjab in jerbak ko, jej jolok ad bod iben Senator in ilo etan Iroj ro im armij ro, im jenaj rol tok nan iben kon jet uak ko reman.

SPEAKER KEDI: Kommol tata Mr. Minister, im ilo list e Senator Eldon Note im pe eo eliktata ij loe ej Honorable naj Senator Bruce Bilimon, Honorable Senator Eldon Note, wonmanlok wot.

SEN. ELDON NOTE: Eman, kommol Mr. Speaker im bar juon alen kamolol Anij kon mour im ejmour eo ilo koj kajojo, Office ne am kab Office ne an Vice Speaker Anton, President Hilda C. Heine kab ro uan Cabinet kab Senator rein otemjej mota, im rein otemjej rar koba tok ilo rainin, koba mweo imon Iroj im Chief Justice eo ad ilo Majol in im aolep armij in Majol.

Mr. Speaker kajitok e ao ejad naj bok ien im nan iuak lukin kar kajitok eo tok jen armij ro ilo aelon eo, ekwe kajitok eo me enaj kar lab an bok ien im drebakbak im lab emoj an dedelok ao turok lok nan Ministry en tollokin, im enaj alikar men otemjej elikin an kolmenlokijon kake, im konono jet ikijen joren ko jet, ekwe jej wonmanlok wot im konono iben ro tollokie ak ikonan ba ke eman, jenaj limantak wot kajitok kane im letok wot kajitok jen jokane ne ewor ilo tore in ejad idrin. Kommol Mr. Speaker.

SPEAKER KEDI: Kommol tata Honorable Senator Eldon Note jen Bikini, ekwe ne ejelok bar jabdewot inaj lelok kio nan kajitok eo eliktata ak rikwelok eo eliktata nan kajitok ko an Honorable Senator Bruce Bilimon, wonmanlok wot.

SEN. BRUCE BILIMON: Speaker naj bed wot ilo aoo in kautej eo adwoj nan dron kab ro rien kautej er ilo manit kein ad kab ilo wewein mour in koj woj ej emenono kaki.

Speaker kein kajuon naj follow up wot kon ikijen kajitok eo me uak eo eman ej itok jen Honorable Minister e ao Minister Mattlan, juon uak eo eman ikijen IAC im ej kwalok enwot ilo ao ronjake ej ba kar kajitok eo bwe en driklok premium e ak ilak kar lo kar ilo note ke ao ilo March 4 ran eo, elak kar kolajrak tok kar profit eo kab income eo kab expense e an kar company e ke enwot buki jima taujin, kio kajitok e ao etke rej kadriklok premium e ke enwot jelak lale elab jaan e rej komane jen jokein im contribution e, men e me jej contribute, im follow up e ao elukin to adean negotiate, eman ne ej baj itok juon uak eo bwe en alikar konke elon ro emoj aer kar boke ak elikin kar eno eo elukin lon ro me rar contribute im elukin bwe aer kar metak bwe rejab kar bok entitlement eo, im ij baj boktok wot kajitok in bwe kajitok ko an ro me rej kajitok tok ibed.

Kajitok eo ao kein karuo ej ikijen wot, nan Public Work, nan Minister e im bar konan welcome back nan Minister Tony Muller, ikijen jerbak ko amro ikijen jerbak ko amro komro ar bar kajitok kaki ilo session eo lok kon ikijen ekatak kab costing ko nan jet ian men ko me rebed ilo aelon eo, enwot kar ob ko kab aiboj cement ko me rekar koman jen ke ien ko Japan bwe rekulep aiboj kein, ne jenaj kojerbali renaj lukin lab aer jiban armij ro adwoj ilo aelon eo, im ij bar konan wot revisit –I kajitok in koba lok iben kar juon tima eo me ej bed iar in ene eo, kar wan Kien, ij kememej lok ej bed iar in ene eo juon adean ilo Tarawa ak

ejoren, im lale elmen ad naj kar komakiti nan komakiti jen ene en ewor kar buromoj ko rar walok ikijen aer kar ajiri kar etal im tutu ilo kar wa in, im ij baj lelok wot kajitok in ilo kautej nan Minister e jeiu jen aelon in ne emaron jouj im bar lale ne komro, inaj bolen jibarok lok ilo Office en an bwe komro en bwebwenato, ak baj kajitok ko kein.

Im kajitok e eliktata nan Minister jen R&D Minister Alfred, ij konan wot kwalok ilo etamro Mayor eo ke jekonan tobar jonan ne me kobed ie ilo VCO ne komaron jouj im naj jake tok jino project ne adean bwe aelon eo juon adean ebojak nan komani jermal ko kab idajonjone VCO ne me jejela elab an eman nan koj woj aolep, im ij lewaj ilo kajitok ilo etan armij ro kab Council eo enwot amro kar Mayor eo konono kake im jet ian rikwelok ro adean.

Kommol Mr. Speaker im kio ij komane, ij erra ilo bebe eo kojjean wonmanlok wot im kakkije im rol tok ne ededelok jabdewot.

SPEAKER KEDI: Kommol tata Honorable Bilimon, Chairman, jea enaj kio kile Honorable Minister in Assistance nan President Mattlan Zackhras, wonmanlok wot.

MIN. MATTLAN ZACKHRAS: Kommol im kautej wot Mr. Speaker bar juon alen, enana bwe bolen Senator in nuku im mota ej etal nan Office eo an Minister Tony ak ejab itok ibba, ebwe ao lukin konan uake im bok mulal in kajitok in an bwe emaron in tarin 5 attan adean kajion uak dron ikijen plan in, ak naj lukin konan bwe en wor juon uak eo me ej melele im armij ro me ej konono ilo etaier rej melele ikijen plan in bwe jen lak kalikare en eman, im ne eman iben na inaj lale ne kemean jet ian ra ilo PSC maron jibarok lok e ilo Office en an. Kommol Speaker.

SPEAKER KEDI: Kommol tata Mr. Minister, jea enaj kile Resources and Development Honorable Minister Alfred.

MIN. ALFRED ALFRED JR: Kommol Mr. Speaker im kautej wot aolep. Nan uake kajitok in eaurok jen Senator in jen Maloelap, ikonon karon eok Mr. Senator ke ilo an \$5.00 lablok in nan VCO ko, Ujae kab Maloelap rebed ilon tata. Kommol.

SPEAKER KEDI: Kommol tata, statement in ej walok kio ej reflected ilo journal ne, kommol tata Mr. Minister. Ne emat jabdewot, inem ne imaron kile kio Honoable Senator Kessai Note nan jabdewot kolmenlokijon, jabdewot motion eo koletok ijone, wonmanlok wot Honorable Senator.

SEN. KESSAI NOTE: Speaker im naj lomnak kar consensus eo ilo kakkije eo bwe Nitijela en kakkije mae 3:00 awa elikin raelep rainin.

SPEAKER KEDI: Kommol Honorable Senator, ewor juon motion ion floor ne bwe Nitijela in en kakkije mae 3:00 elikin raelep im emoj second e im nan komeleleik public mokta jen ad contain –I motion in, ej nan wot kadrelon tok bill ko me rejanin dreelon im rej aikuj dreelon rainin, im reaurok bwe ren dedelok ilo session in, im ne ejelok bar jabdewot inem Nitijela in enaj komane kio bebe eo, ro eindre in aer lomnak

bwe Nitijela in en kakkije mae 3:00 awa en ba aet? (aet) Ro einjuon jab? Inem Nitijela ej kakkije mae 3:00 awa.

KAKKIJE MAE 3:00 AWA PM

Elikin kar kakkije eo jen kej jibbon nan awa in kio nan an rikwelok rein kokajur im elab tata nan an rijerbal rein an Nitijela, Office eo an Clerk kab rijerbal rein an Nitijela in an armij in aelon kein koboji jet ian bill kein me rej kab drelon tok nan aer maron lolo ilo agenda in an rainin ilo kwelok in an Nitijela ilo ran in kein 40th in an Nitijela in jijot, im jar emakit jen kar loan Chamber in kej jibbon, jar kadede lok kar item agenda nomba 6 kajitok im uak, im kio ilo tore in jebed ilo item 7 ejelok jabdewot, jermal ko rejanin dedelok ilo agenda e ak item nomb 8 ej report jen Standing Committee ko, im Madam Clerk komaron ke kalikar mok ta ne ilo item nomba 8?

CLERK: Item 8 iumin report jen Standing Committee ko ebed Standing Committee Report No. 34 ikijen Nitijela Bill No. 5 jen Committee eo an R&D.

SPEAKER KEDI: Kommol Madam Clerk, im ilo an Chairman eo jako ilo tore in im bolen ej rumwij tok wot, ne imaron kile mok Honorable Minister, juon ian member ro Alfred, ne ejelok aban ibam komaron letok report eo an Nitijela Standing Committee Report No. 34 ikijen Bill No. 5. Jouj im wonmanlok wot Mr. Minister.

MIN. ALFRED ALFRED JR.: Kommol Mr. Speaker kon am kile kojro im lewaj wot nan in kile im kautej nan aolepen ribebe rein. Mr. Speaker, ne imaron kile juon ian member in committee eo bwe en tilmake tok report in amean, ne eman ibam Mr. Speaker inaj lelok nan Honorable Senator Jack Ading.

SPEAKER KEDI: Kommol Mr. Minister. Honorable Ading jouj im wonmanlok wot.

SEN. JACK ADING: Kommol Speaker, bed wot ilo aoo in kautej eo adwoj nan dron, elab tata kile im kautej im kamolol Anij kon wot kein jej loi ej bar korlok dren ko nimedwoj kab barenwot nimen menin mour ko kab kenikan ko, im Mr. Speaker ikonan kamolol Chairman eo ao ilo committee eo an R&D, barenwot kamolol Minister in kon aero maron in kile io bwe nain wonmanlok wot im tilmake report in an Committee in ikijen Nitijela Bill No. 5.

Im Mr. Speaker Nitijela Bill No. 5 ej juon bill eo me jibarbar eo an ekanoj in eman, ej itok bwe en kamo an jabdewot administration kaal itok im ukot kar kar eo an administration ko lok ikijen infrastructure project ko elab tata project ko me emoj kar karoki iumin program eo an jiban eo an JICA. Enwot am melele Mr. Speaker enanin aolep ien ne ej wor administration kaal, reitok im ukoti kar priority in project ko an Kien im ekoman menin an rumuj lok an project kein bok jikier im bill in ej walontak nan an kabojrak kain kwon rot in im koman bwe project ko me ekar moj karoki administration ko lok, ren bed wot im lolo enwot jet priority project an Kien bwe konke en mokaj komadmodi im en mokaj an armij ro project kein rej itok nani ilo Majol, bok len project kein.

Im Mr. Speaker ekar wor public hearing ko me committee in ear wonmanlok wot im komane ilo ad invite –I tok elon armij, Ministry ko, Agency ko, ro jen legal community eo im barenwot general public nan aer itok in bok kwonaer ilo bill in im kwalok kolmenlokijon ko aer. Im Mr. Speaker enwot eman kar public hearing eo, ejelok kar kanoj in aban im lomnak einjuon an ro rar itok im bok kwonaer ikijen bill in, barenwot committee eo ear wonmanlok wot im koman aer Executive meeting, im Mr. Speaker ekar wor jet kolmenlokijon bajjok an member in committee in ikijen kain situation ko me renaj walok ilo yio en me project kein rej tan walontak, im elane mekarta ne ekar moj prioritize –I project kein ak konke ewor juon situation lal in ad ej face –I ilo yio jab en, jekar lomnak in komane acception ilo wewein in ak elikin bar konono iben dron jidrik ien kon wewein in, committee in ear wonmanlok wot im erra iben dron bwe ren lemanwaj report in im recommend e bwe Nitijela en wonmanlok wot im bok Bill No. 5 ilo jekjek ne kio im bwe en pass ilo 2nd im wonmanwaj nan 3rd reading, im kon menin Mr. Speaker naj koman ao bebe eindre in bwe Nitijela en bok report in. Kommol.

SPEAKER KEDI: Kommol tata Honorable member eo an committee eo an Resources and Development, ewor juon bebe ion floor ne kio iumin item nombra 8, bwe Nitijela en bok Standing Committee Report No. 34 ikijen Nitijela Bill No. 5, im emoj second e, im ro eindre in aer lomnak ren ba aet? (aet) Ro einjuon jab? Inem Nitijela Standing Committee Report No. 34 ikijen Nitijela Bill No. 5, emoj an Nitijela in bok bwe en moien, im enaj wonmanlok wot nan naj reading eo kein karuo, kommol tata Honorable Senator.

Ikijen report jen Special Committee ilo iumin item nombra 9 ejelok jabdewot, im jebed kio ilo iumin item nombra 10 bill calendar im nan konono eo kein kajuon, ebwe an lutoklok agenda jab ne im ne imaron kajitok iben Office eo an Clerk ne emaron kalikar iumin item in ta kein rej ellajrak iumin, Madam Clerk.

CLERK: Item 10 iumin bill calendar nan konono eo an Nitijela kein kajuon, Nitijela Bill No. 37, Nitijela Bill No. 38, Nitijela Bill No. 39, Nitijela Bill No. 40, Nitijela Bill No. 41, Nitijela Bill No. 42, Nitijela Bill No. 43, Nitijela Bill No. 44, Nitijela Bill No. 45, im Nitijela Bill No. 46.

SPEAKER KEDI: Kommol Madam Clerk, jea enaj kio kile Honorable Vice Speaker nan letok motion eo ikijen Nitijela Bill No. 37.

V-SPEAKER ANTON: Kommol wot Mr. Speaker, Mr. Speaker iumin item nombra 10 bill calendar, e lolo Nitijela Bill No. 37 ilo 1st reading. Mr. Speaker ilo elikin raelepen rainin ij koman ao bebe bwe elikin wot an rijeje ne wattok title ne an Nitijela Bill No. 37 en assign nan committee eo tollokin.

SPEAKER KEDI: Ewor ke second? Kommol Mr. Vice Speaker im ewor juon bebe ion floor ne kio bwe Nitijela Bill No. 37 elikin an naj Clerk eo read –I title eo an, en assign nan committee eo tollokin, im emoj second e. Madam Clerk jouj im wonmanlok wot.

CLERK: Nitijela Bill No. 37 ej juon bill nan juon Kien nan jolok amendment ak oktak eo koman ilo 2013 eo ilo section 109 ikijen wewein kojberbal funding ko ilo kajojo yio iumin section 177 agreement eo.

SPEAKER KEDI: Kommol Madam Clerk, ewor r juon bebe ion floor ne emoj an likieo bwe Nitijela in en bok Nitijela Bill No. 37 bwe en moien ilo konono in an kein kajuon im assign nan committee eo tollokin im emoj second e, ro eindre in aer lomnak ren ba aet? (aet) Ro einjuon jab? Inem Nitijela Bill No.37 eo im emoj an ella ilo konono in kein kajuon im assign nan committee eo an HESA.

Mr. Vice Speaker jouj im letok motion eo ikijen Nitijela Bill No. 38.

V-SPEAKER ANTON: Kobar emol Mr. Speaker, Mr. Speaker ij koman ao bebe ilo ien in bwe elikin wot an rijeje ne read –I tok title eo an Nitijela Bill No. 38, en ella im assign nan committee eo an R&D.

SPEAKER KEDI: Ewor ke second? Ewor juon bebe ion floor ne bwe Nitijela en kollaik Nitijela Bill No. 38 ilo konono in an kein kajuon im assign nan committee eo tollokin elikin an Clerk eo naj read –I title eo an, im emoj second e.

Madam Clerk wonmanlok wot.

CLERK: Nitijela Bill No. 38, juon bill nan juon Kien nan na onen transfer ak komakit surplus ko jen MIMRA nan General Fund eo im nan un ko jet.

SPEAKER KEDI: Ewor juon bebe ion floor ne im emoj second e bwe elikin an naj kar Clerk eo read –I title eo an Nitijela Bill No. 38 ilo konono eo an kein kajuon, en ella im assign nan committee eo tollokin im ededelok second e. Ro eindre in aer lomnak ren ba aet? (aet) Eo einjuon jab? Im Nitijela Bill No. 38 emoj an ella ilo konono eo an kein kajuon im assign nan committee eo an R&D.

Mr. Vice Speaker letok bebe eo ikijen Nitijela Bill No. 39.

V-SPEAKER KEDI: Kobar emol Mr. Speaker, Mr. Speaker ilo ien in ij koman ao bebe bwe Nitijela Bill No. 39 en ella iben Nitijela in elikin wot an rijeje ne wate tok title eo an, en ella iben Nitijela in im en assign nan committee eo an HESA.

SPEAKER KEDI: Kommol Mr. Vice Speaker, elon ke second? Ewor juon bebe ion floor ne bwe Nitijela Bill No. 39 en ella ilo konono in an kein kajuon im assign nan committee eo tollokin elikin an naj Clerk eo read –I title eo an, im emoj second e. Madam Clerk.

CLERK: Nitijela Bill No. 39 juon bill nan juon Kien nan ukot lok title 7 ilo Marshall Island Revise Code eo Chapter 20 ikijen Betel Nut Prohibition Act eo an 2010 nan kokmanmanlok im kokajur lok jermal ko nae drelon tok in betel nut iaelon kein.

SPEAKER KEDI: Kommol Madam Clerk. Ewor juon bebe ion floor ne kio bwe Nitijela Bill No. 39 en ella ilo konono in an kein kajuon im assign nan committee eo tollokin elikin an naj kar Clerk eo read –I title eo an im emoj second e, ro eindre in aer lomnak ren ba aet? (aet) Einjuon jab? Im Nitijela Bill No. 39 emoj an ella ilo konono in an kein kajuon im assign nan committee eo an HESA.

Mr. Vice Speaker, motion eo ikijen Nitijela Bill No. 40.

V-SPEAKER ANTON: Speaker, Mr. Speaker ilo ien in ij koman ao bebe bwe elikin wot an rijeje ne wate tok title eo an Nitijela Bill No. 40, en ella iben Nitijela im assign nan committee eo an Ways and Means, ij bebe eindre in Mr. Speaker.

SPEAKER KEDI: Kommol tata Honorable Vice Speaker. Ewor juon bebe ion floor ne im nan kollaik Nitijela Bill No. 40 im ewor ke second? Bebe eo ion floor ne kio bwe Nitijela Bill No. 40 en ella ilo konono in an kein kajuon im assign nan committee eo tollokin elikin an naj Clerk eo read –I title eo an im emoj second e.

Madam Clerk wonmanlok wot.

CLERK: Nitijela Bill No. 40 juon bill nan juon Kien nan ukot lok Procurement Act eo nan kile moktata local businesses ko ilo aelon kein.

SPEAKER KEDI: Ewor juon bebe ion floor emoj an likieo bwe Nitijela Bill No. 40 en weppen ilo konono in an kein kajuon im assign nan committee eo tollokin, elikin an naj kar Clerk eo read –I title eo an im emoj second e, im ro eindre in aer lomnak ren ba aet? (aet) Eo einjuon jab? Im Nitijela Bill No. 40 emoj an ella ilo konono in an kein kajuon im assign nan committee eo an Ways and Means.

Mr. Vice Speaker letok bebe eo ne komaron jouj ikijen Nitijela Bill No. 41.

V-SPEAKER ANTON: Kommol wot Mr. Speaker, Mr. Speaker ilo ien in ij koman ao bebe bwe elikin wot an rijeje ne wate tok Nitijela Bill No. 41 ilo konono in an kein kajuon im assign nan committee eo an R&D.

SPEAKER KEDI: Kommol tata Mr. Vice Speaker, elon ke second? Ewor juon bebe ion floor ne bwe elikin an naj Clerk e read –I title eo an Nitijela Bill No. 41, en weppen ilo konono in an kein kajuon im assign nan committee eo tollokin, im ededelok second e. Madam Clerk jouj im wonmanlok im read –I title eo an Nitijela Bill No. 41.

CLERK: Nitijela Bill No. 41, juon bill nan juon Kien nan ukot lok section 118 iumin title 52 Chapter 6, eo an MIRC eo ikijen State Own Enterprises ak SOE Act eo an 2015 eo nan jolok restriction ak wewein ko ikijen ijton ak kelot official ak rijerbal ro ekoba Minister ro nan Board ko an SOE ko im bwe ijton eo an Chairperson eo en itok jen Cabinet eo.

SPEAKER KEDI: Ewor juon bebe ion floor ne bwe elikin an naj kar Clerk eo read –I title eo an Nitijela Bill No. 41, en ella ilo konono in an kein kajuon im assign nan committee eo tollokin, im ededelok second e. Ro eindre in aer lomnak ren ba aet? (aet) Einjuon jab? Inem Nitijela Bill No. 41 emoj an ella ilo konono in an kein kajuon im ej kio assign nan committee eo an R&D.

Mr. Vice Speaker jouj im wonmanlok wot ikijen Nitijela Bill No. 42.

V-SPEAKER ANTON: Kobar emol Mr. Speaker, Mr. Speaker ilo ien in ij koman ao bebe bwe elikin wot an rijeje ne read –I tok title eo an Nitijela Bill No. 42, en ella iben Nitijela in im en assign nan committee eo tollokin.

SPEAKER KEDI: Kommol Mr. Vice Speaker. Ewor juon bebe ion floor ne bwe Nitijela Bill No. 42, en ella ilo konono in an kein kajuon im assign nan committee eo tollokin. Ear wor ke second? Elikin an naj kar Clerk eo read –I title eo an. Madam Clerk jouj im wonmanlok wot im read –I title eo an Nitijela Bill No. 42.

CLERK: Nitijela Bill No. 42, juon bill nan juon Kien nan ukot lok MIRC title 51 chapter 2 nan na mejlan issue eo ikijen enod bako im wewein ko ejelot wia kake ak commercial fishing.

SPEAKER KEDI: Ewor juon bebe ion floor ne emoj an likieo bwe Nitijela Bill No. 42 en weppen ilo konono in an kein kajuon im assign nan committee eo tollokin im ededelok second e. Ro eindre in aer lomnak ren ba aet? (aet) Eo einjuon jab? Im Nitijela Bill No. 42 emoj an weppen ilo konono in an kein kajuon im assign nan committee eo an R&D.

Mr. Vice Speaker jouj im wonmanlok wot ikijen motion eo kon Nitijela Bill No. 43.

V-SPEAKER ANTON: Kommol wot, kobar emol Mr. Speaker, Mr. Speaker ilo ien in ij koman ao bebe bwe elikin wot an rijeje ne read –I title eo an Nitijela Bill No. 43 en ella iben Nitijela im assing nan committee eo tollokin.

SPEAKER KEDI: Ewor ke second? Ewor juon bebe ion floor ne emoj an likieo bwe Nitijela Bill No. 43 en weppen ilo konono in an kein kajuon im assign nan committee eo tollokin elikn an naj Clerk eo read –I title eo an im ededelok second e. Madam Clerk wonmanlok wot.

CLERK: Nitijela Bill No. 43, juon bill nan juon Kien nan ukot lok Local Government Act eo nan kokmanmanlok im kabi droik lok makitkit ko an Local Government ko ikijen ran kab ien kwelok ko aer.

SPEAKER KEDI: Kommol tata Madam Clerk. Ewor juon bebe ion floor ne emoj an likieo bwe elikin wot an naj kar Clerk eo read –I title eo an Nitijela Bill No. 43, en ella ilo konono in an kein kajuon im assign nan committee eo tollokin im ear dedelok second e. Ro eindre in aer lomnak ren ba aet? (aet) Eo einjuon jab? Im Nitijela Bill No. 43 emoj an Nitijela in bok bwe en moien ilo konono in an kein kajuon im assign nan committee eo an HESA.

Mr. Vice Speaker, wonmanlok wot ikijen Nitijela Bill No. 44.

V-SPEAKER ANTON: Ejja ilo ien in wot Mr. Speaker, naj koman ao bebe bwe elikin wot an Clerk ne read –I title eo an Nitijela Bill No. 44, en ella iben Nitijela im assign nan committee eo tollokin.

SPEAKER KEDI: Ewor juon bebe ion floor ne ededelok second e bwe elikin an Clerk eo naj read –I title eo an Nitijela Bill no. 44, en weppen ilo konono in an kein kajuon im assign nan committee eo tollokin. Madam Clerk wonmanlok wot.

CLERK: Nitijela Bill No. 44, juon bill nan juon Kien nan ukotlok Constitutional Convention Act eo, nan (1) koman bwe ekelel eo ikijen Iroj ro en itok jen consensus ak erra eo an aolep ijelokin aer koman ekelel ilo ballot, (2) nan kalonlok ran in kwelok ko ilo Conventionin jen 30 nan 60 ran im (3) nan kolablok sitting allowance eo jen \$75.00 nan \$100.00.

SPEAKER KEDI: Ewor juon bebe ion floor ne im emoj kar second e bwe elikin an Clerk eo read –I title eo an Nitijela Bill No. 44, en ella ilo konono in an kein kajuon im assign nan committee eo tollokin, ro eindre in aer lomnak ren ba aet? (aet) Eo einjuon jab? Im Nitijela Bill No. 44 emoj an weppen ilo konono in an kein kajuon im naj assign nan committee eo tollokin ej committee eo an J&GR.

Privilege, wonmanlok wot mok Senator Note?

SEN. KESSAI NOTE: Inne, ikijen Bill No. 45 ne ej tan walontak, ibab ekar wor jet melele ke enaj kar wor jidrik motan kakobaba ijone im jemaron ke lale ilo jidrik ien kakkije?

SPEAKER KEDI: Nitijela in ej kakkije jidrik. **(kakkije jidrik)** Elikin kakkije jidrik eo Nitijela ej bar joblak tok im nan wot kalikar ekar nan rule im procedure kein an Nitijela ilo ad koba lok wot im drebij wot elajrak ko iumin Jemen Ei eo an armij in aelon kein, Nitijela Bill No. 45 enaj kio assign nan committee eo an J&GR im Joint Committee iben Council of Iroj enwot ke proposal in kio ej tan walontak ikijen koman oktak ko ilo makitkit ko an manit enwot an Jemen Ei eo kalikar.

Im jenaj walaltak wot, take note of that Clerk, Joint Commit eo, jouj im naj inform e lok Council of Iroj bw erro naj J&GR jermal iben dron kon Bill No. 45.

Ededelok an weppen ekar nan motion eo im Mr. Vice Speaker ne komaron kio letok motion eo ikijen Nitijela Bill No. 46.

V-SPEAKER ANTON: Kommol wot Mr. Speaker, Mr. Speaker ij koman ao bebe ilo ien in bwe elikin wot an rijeje ne read –I tok title eo an Nitijela Bill No. 46, en ella iben Nitijela im naj assign nan committee eo tollokin.

SPEAKER KEDI: Jolok bod jidrik, privilege mok Senator Note? Wonmanlok wot mok Senator Kessai Note.

Refresh mok memory e an jea jar ke adapt e Bill No. 45? Ear jab ke, ekwe eman, kolukin emol, ak kommel Honorable Senator Kessai. Im mokta jen ad entertain –I Nitijela Bill No. 46 Mr. Vice Speaker ne imaron, ewor juon kar motion ion floor ne bwe elikin an kar Clerk eo read –I title eo an Nitijela Bill No. 45 im ekar moj second e, bwe en weppen ilo konono in an kein kajuon im assign nan committee eo tollokin, im ededelok kar second e, ewor ke ekar second? (second) Inem ne ej eindre in, inem, jolok bod Clerk kwar ke read –I title eo an Bill No. 45? Ejanin kar ke? Jouj im wonmanlok wot Madam Clerk im read –I titile eo an Bill No. 45.

CLERK: Nitijela Bill No. 45, juon bill nan juon Kien nan ukot lok schedule 1 ilo Constitutional Convention Act eo nan koman oktak iloan article 9 im article 10 eo an Jemen Ei eo an aelon kein.

SPEAKER KEDI: Kommol tata Madam Clerk, ewor juon bebe ion floor ne kio im emoj second e bwe elikin an naj kar Clerk eo read –I title eo an Nitijela Bill No. 45 en weppen ilo konono in an kein kajuon im assign nan committee eo tollokin. Ro eindre in aer lomnak ren ba aet? (aet) Einjuon jab? Im Nitijela Bill No. 45 enaj kio assign nan committee eo an J&GR im Joint Committee of Joint of Iroj nan lale bill aurokrok in im ej tan koman oktak ikijen land tenure.

Mr. Vice Speaker kio jouj im wonmanlok wot ikijen Nitijela Bill No. 46.

V-SPEAKER ANTON: Kommol wot Mr. Speaker, Mr. Speaker ilo ien in ij koman ao bebe bwe elikin wot an rijeje ne wate tok Nitijela Bill No. 46, en ella iben Nitijela im assign nan committee eo tollokin, ij bebe Mr. Speaker.

SPEAKER KEDI: Ewor ke second? Ewor juon bebe ion floor ne kio bwe elikin wot an naj Clerk eo read –I title eo an Nitijela Bill No. 46, en weppen ilo konono in an kein kajuon im assign nan committee eo tollokin im ededelok second.

Madam Clerk jouj im wonmanlok wot.

CLERK: Nitijela Bill No. 46, ej juon bill nan juon Kien nan ukot lok Public Land im Resources Act eo nan korol jimwe im maron ko ikijen high water mark eo ak jen boke boka en elab jen torerein ene meto lok nan armij ro aer ekar nan manit.

SPEAKER KEDI: Kommol tata Madam Clerk. Ewor juon bebe ion floor ne bwe elikin an naj kar Clerk eo read –I title eo an Nitijela Bill No. 46 en ella ilo konono in an kein kajuon im assign nan committee eo tollokin, im ear dedelok second e. Ro eindre in aer lomnak ren ba aet? (aet) Ro einjuon jab? Inem Nitijela Bill No. 46 enaj assign nan committee eo an R&D.

Jebed kio ilo ejja item nomba 10 wot ikijen konono kein karuo, Madam Clerk ne komaron kalikar koban agenda ne an konono eo kein karuo.

CLERK: Item 10 ejja iumin bill calendar wot nan konono eo an Nitijela kein karuo, ej Nitijela Bill No. 5.

SPEAKER KEDI: Kommol tata Madam Clerk. Mr. Vice Speaker ne komaron letok motion eo ikijen konono eo kein karuo iumin item 10 an Nitijela Bill No. 5.

V-SPEAKER ANTON: Kommol wot Mr. Speaker, Mr. Speaker ilo ien in iumin item 10 bill calendar ilo 2nd reading, kin ij koman ao bebe bwe elikin wot an rijeje ne wate tok title ne an Nitijela Bill No. 5, en ella iben Nitijela im Nitijela en bok bwe en moien.

SPEAKER KEDI: Ewor ke second? Ewor juon bebe ilo floor an Nitijela bwe elikin an naj Clerk eo read –I title eo an Nitijela Bill No. 5, en weppen ilo konono in an kein karuo im Nitijela en bok bwe en moien. Madam Clerk, wonmanlok wot.

CLERK: Nitijela Bill No. 5, ej juon bill nan juon Kien nan rejan bwe jermal in ekal im makitkit ko nan wonmanlok ko an Kien ren tiljek, jimwe im jejet.

SPEAKER KEDI: Kommol tata Madam Clerk. Ewor juon bebe ion floor ne emoj an likieo im second bwe elikin an naj kar Clerk eo read –I title eo an Nitijela Bill No. 5, en weppen ilo konono in an kein karuo. Im mokta jen ad entertain –I motion ne, inaj kobelok floor ne nan jabdewot ro rej konan bok kwonaer ikijen debate ak wewein ko jet kon bill in.

Jea enaj kio kile Honorable Senator David Kabua jen Wotho.

SEN. DAVID KABUA: Kommol Mr. Speaker, ij bed wot ilo aoo in kile im kautej eo nan aolep ro rien kautej er iloan Chamber in, Speaker eo, President eo, Cabinet Minister ro im aolep Senator rein im rein rej witness e kwelok kein ad.

Mr. Speaker juon in bill ij lo ke elukin aurok im elukin eman bwe ekar nan report eo elon ien elon project rej ijino iben administration eo ear jermal ilo tore eo im lak jijot lok, administration kaal im ukote kar kwon ko emoj aer kar tobrak. Naij baj lale, ijab jela ne ear wor juon bar kakien lok iman ikijen juon transition period nan outgoing administration iben incoming administration, koman briefing im kwalok ta ka me Government eo emoj an kar komani im rejanin dedelok ak they're ongoing iben bar jet, im ne en kar dedelok im wor kwon rot in enaj kar bobrae an wor kar kain kein me jej iton koman bill kaki, im ij baj lale ne elon ak ejelok ekwe bolen jeaikuj in komane juon bolen bar kakien ak resolution bwe en wonmanlok, ne ej wor jenij administration, en wor juon kota nan an incoming administration eo get some briefing jen administration eo ej jijot lok kon ta ko me rej wonmanlok ilo kotobar ka an Kien im aelon kein, nan bobrae kain in nan karumuj ak kakuri jet ian project ka me emoj aer fund –I ak jeitok im karumuji. Ekwe kar naan eo iar konan ba in ikijen bill in, ak juon in bill na inaj 100% percent support e.

Kommol Mr. Speaker.

SPEAKER KEDI: Kommol tata Honorable Senator David Kabua. Jea enaj kio kile Honorable Senator Kessai Note, jen Jabot, wonmanlok wot.

SEN. KESSAI NOTE: Kommol Mr. Speaker, ij erra ilo jibarbar im kotobar eo an bill in bwe konke emol ke elon ien jej lo an project kein rej nanin kar bok jikier ak elak jenij Government, kio reoktak im jab lolorjaki bwe konke elon aer make bolen plan ijelokier ak ilo wewein an bill in kar draft enwot inaj kar konan lo juon bolen nememein bill eo ekajur lok jen jonan in, im kein kajuon eaikuj in kar wor allowance nan technical oktak ka ijelokin kon cosmetic change kane nan juon project eo emoj an ijino, elane eitok bar jen engineer im lo ke ewor jet kar likjab ilo wewein aer kar ekatak im develop e juon project, ekwe ewor ke maron in aer koman oktak ak kakobaba ijelokin wewein in? Im kein karuo, enwot bill in ej kwalok lomnak eo an Nitijela in kab Government in ak ejelok kaje nan, ejelok penal clause im jabdewot ilo bill in, enwot ijab elolo, ne ekar wor juon wewein eo me enaj kar ilok im kibel bwe en lori wot, ne ejab ekwe enaj ion jet kaje ko ak wewein ko jet, enwot iar kwalok ke ao tomak aolep legislation ewor ni –ier enwot ad konan kwalok, ne ejelok ekwe it just stay indent of the Government or the Nitijela nan pass e bill in. Im eliktata bolen eaikuj in alikar ewi point of no returning, ne emoj an endorse jen Government eo, ekwe kab armij ro rej na money nane, ke ta ne emoj an lukin ijino program, jino mobilize program. Neet en jejab maron ukot project en? Ne emoj an bed ilo pipeline ak ejanin ijino, jemaron ke ukote, ke ta ne emoj an itok proposal en im approve jen Cabinet ak ejanin wor jabdewot, neet en jej ukote, neet en jeban ukote, at what is stage of the project jeban ukote jen Government eo tokelik ke rej lo ke eaikuj oktak?

Ekwe kar kajitok ko ao kein ilo, eman kotobar in an bill ak enwot en kar bar specific lok jidrik step by step, jen jela neet en jemaron ak neet en jejab maron koman oktak ilo juon project eo me en kar bok jikin. Ekwe observation ko ao kein ak eman kotobar in an bill in Speaker.

SPEAKER KEDI: Kommol tata Honorable Senator Note. Ewor ke ej bar konan bok kwonan ilo ikijen Nitijela Bill No. 5 ilo konono in kein karuo? Jea enaj kio kile Honorable Senator Michael Kabua, jouj im wonmanlok wot, jen Kwajalein.

SEN. MICHAEL KABUA: Eman, kimmol Speaker, ilo kautej wot, ikonan koba waj ilo kile im kautej ko adwoj nan dron ilo jikin kwelok in, Office kane amiro Vice Speaker eo, eo an President im Cabinet eo, Senator rein woj mot aim elab tata nan Iroj ro an aelon kein kab armij ro aer Nitijela in.

Jet ko melele jar ron kio ilo minute ko rej jomlok lok elab aer eman, im kajitok eo an Senator en arro jen Jabot ej jet kajitok ko jen kar ron uakier bwe elab an aurok, ke ilo mol eo change of order jet ien ne ej wor contract ka rej itok im wor aer bar ukok, elon penalty ijone im elane ejime ao melele kon ainbwinin bill ne nan ta in ej jibarbar im kotobare, jet ien bar bid out ka elak itok company ke im bid out, jebok bid e ilaltata ak tok elikin ebar wor aer oktak im bar koman aer lablok, jet ien tomak e ao, elab lok im tobar company ka me ej kein karuo lonlok, ak lukin kajitok eo in ilukon contract ka me rej jerbale juon jermal ilo aer itok im ba oh bar jet ke lomnak reoktak kio jejloi, won in, won eo jej penalty –ki? Im elab ao erra ilo kajitok eo an Senator e adean jen Jabot bwe jet kein wewein ekoman bwe money ko rar dedelok ren bar ebokak ak jebar kabok ia ko jej kabwebwe ie im jet kein wewein rej walok im jej ioni enwot adwoj wonmanlok ikijen money kein reaurok an aelon kein im kain jermal rot in ebar letok jet wewein ko, en tiljek lok im en alikar, en lukin alikar ilo ta contract ke ijab lukin bar melele ak juon in bill elab an eman

nan bobrae ta ko jar bar tan ukoti bwe ilo ad ukok ej bar cost money, ne kotobar eo in nan kojebarok money ko an armij in aelon kein, ak juon ne bill elab an eman Mr. Speaker, ak kajitok ko ne rar bar uak kab wewein kein, ewi wot lukin kotobar in an bill in nan adwoj kar melele. Ekwe kommel Speaker.

SPEAKER KEDI: Kommel tata Honorable Senator Michael Kabua. Ej bellok wot floor ne nan ro rej konan bok kwonaer ikijen Nitijela Bill No. 5. Jea enaj kio kile Honorable Senator David Paul, wonmanlok wot, jen Kwajalein.

SEN. DAVID PAUL: Kommel Mr. Speaker im kile wot kautej eo an jikin bebe in eutej an armij in Majol, im Mr. Speaker ij itok wot bwe nain tan bok jidrikdik kwonao ilo naj konono kein ak debate kein kon bill in ej juon bill eo me elab an aurok, im ikonan karon Nitijela in kab aelon kein ke kojro ej juon ian ro me rar sponsor kab introduce –I bill in, im ijab itok nan ijin bwe in tan etta im nan ao uake kajitok ko rar itok, ijela ke jet kajitok ko me reaurok im nan ao wot lukin komeleleiki ta lukin jibarbar im kotobar eo im jejela im melele ta jibarbar im kotobar eo an bill in, ak nan kajitok eo me ej itok jen iben Senator in eutej jen aelon in Jabot, ej ikijen neet wot eo me jej ba jeban kabojrake im neet wot eo jemaron kabojrake im neet wot eo me project kein rej consider ke ren wonmanlok ke ren jab wonmanlok, im barenwot eo me ej ikijen kajitok ikijen kaje ko, ne Kien eo ejab lore, ta eo me kakien in ej komlote.

Im Mr. Speaker ikijen wot neet eo me jej konono kon neet in me project kein rej consider project, im bolen wanjonak eo e clear me jemaron erelok ie im ej juon wot wanjonak ejab lukin, ij letok wot ilo juon wanjonak ej ikijen process eo me ej itok ikijen JICA, konke ne jenaj reitok im lale process e an JICA ke ebok jet yio ko reaitok, im jet ka ien Kien in enaj lemanlok priority project ko an im summit –I lok JICA, aolep yio ak aolep lokin ruo yio bedbed wot ion konan eo im karok eo an Cabinet eo ilo tore en, im lak moj kio ej etal nan iben JICA im JICA ej effet e im lali project ta ko me emaron komani im ewor juon process JICA ej komane, ej jilikin tok juon assessment team im lak moj kio jilikin tok juon bolen juon im men ruo trip nan aer komane assessment im visibility study ko im ekatak ko im bukot do the costing im do the design, ak men kein ilo ad koman ke jejanin elolo project enanin lukin bok jikin im rub burej nan aer komane project kein, ak ijo in kojean ej aikuj in determent e konke ne emoj an bok ijin im emoj an boke ruo yio ak jilu yio in process, jet ka ien ekijon bok 4-5 yio nan ad lo juon project eo me ej jino bok jikin nan an rub burej nan aer komane im kaloke, ne baj project in ekal.

Im jet ka ien elak itok Government en in transition iumin ruo yio tok elik, eitok im kabojrake im ba konke project kane im lease kane, listing ne ear submitted ruo yio emotlok, juon wot in Government, juloki im liwaj list e amean, im kio ebar set back e kojean aolep im kojean bar luji ruo yio in the process, ak lukin kotobar eo an bill in ke en kotlok bwe project kein me emoj aer jino bid –I iben jabdewot, financing or donor partner ra adean im development partner ra emoj aer bok jikier, ren wonmanlok wot ak Kien eo me ekaal en itok, administration eo ekaal en baj make submit an project list proposal bwe ren maron in bar go through the process, im unleplep eo in konke kojean en guard e integrity e an process e konke aolep ien kojean ej jeniji ke, ebar set e kojean back nan bar step one im kojean bar jinoe, im kojela eindre in adean komane, ejelok juon project en enaj bok jikin, ak ne etal im jidre emaron kio bok juon ak ruo, ak kojean maron naj kar komane bwe en 4 ak 5 ak 6, im baj lukin unleplep eo in, konke kojean kanoj in jela ke ilo tore ka me ekijon lon administration kaal, elak itok Government ieo, eitok im jolok ko konke

ej ba ejab ao priority, juon wot in Government, jet wot kein priority, rar priority ilo tore eo konke kar aikuj ko an armij ilo tore eo im ebok jidrik ien nan aer bok jikier. Ibawot ne kojean naj reilok nan process e an JICA.

Ikijen enforcement, ke Nitijela eo in, Nitijela ej pass –I kakien kein an im enforcement eo ej itok jen iben Executive Branch, im ne Executive Branch eo ejab lor kakien in me Nitijela in ear koweppene, ekwe ej subject nan censor eo an Nitijela, im elon measure ko me Nitijela in emaron buki ne ej lo ke Cabinet eo ak Kien eo ilo tore en ejab lori kakien ko me Nitijela in ear pass e, im ke kojean in, ej enforcement eo in iben administration ak ijo in me kojean ej eaiki kakien kein im kotmene eo in iumin Jemen Ei ne, Cabinet eo ej aikuj in lori kakien kein me emoj an Nitijela in koweppene. Im ij bok kwonao ilo debate kein Mr. Speaker konke naj tomak im elukin jimwe im jejet bwe bill in en wonmanlok wot im bok jikin nan bobrae, im nan emanlok eo an lal in ad bwe en kojean en jab luj out on these projects, im naj lewaj juon example Mr. Speaker, ne koetal nan Palau, aolep yio Palau ej at least score e juon JICA project ilo juon yio, konke elak itok administration e ekaal ke, ejab itok im julok project kan me administration eo mokta lok ear etal im likiti ilo pipeline en, elak itok administration e ekaal eitok im ba okay mol ke emoj an wonmanlok keke project ilo administration eo ej jomlok lok, ekwe baj liwaj keke project im kadrelon waj ilo pipeline ne bwe en etor ilo process ne. Im lukin unleplep eo in Mr. Speaker ilo ad kar boklontak bill in, ne ebar lon clarification ko im kajitok ko ikijen bill in, naimonono in naj bar bok kwonao ilo debate kein manlok. Kommol Mr. Speaker.

SPEAKER KEDI: Kommol tata Honorable Senator Paul, kio jea enaj kile Honorable Minister Kalani Kaneko, juon ian rikwelok ro jen Majuro in, jouj im wonmanlok wot Mr. Minister.

MIN. KALANI KANEKO: Kommol Mr. Speaker im lewaj wot kile eo nan kwe kab Vice Speaker, Madam President im aolep koj woj ilon mwin im ro rej ronjake.

Mr. Speaker ikonan wot bok jidrik kwonao, ejab bwe in tan debate –I bill in, ak ilo ao read –I Bill No. 5 ilo section 104, ijaje ne enaj uake kajitok in me eman enwot ad jela ke bill in ej juon bill eo me elukin aurok. Ilo section 104 enwot ej kalikar ke ilo tore en me ej endorse im emoj an funded jen development partner ro im emoj an identify nan implementation, ej bolen tore eo ne me jejab maron jeniji project kane, ijaje ne enaj uake kajitok in, ikonan baj point out –I wot section 104. Kommol Mr. Speaker.

SPEAKER KEDI: Kommol Mr. Minister, ej wor wot ke ej konan bok kwonao ilo konono in kein karuo an Bill No. 5? Jea enaj kile mokta mok Minister eo jined Honorable Minister Amenta Matthew im elikin enaj Honorable Senator Bruce Bilimon, wonmanlok wot Madam Minister, jen Utrok.

MIN. AMENTA MATTHEW: Kommol Mr. Speaker im ij bed wot ilo ao kautej aolep. Juon in bill eman ak ij lomnak kon etke jemaron kar likiti bwe en juon constitutional amendment bwe en jab jenij konke, jej komane juon bill jemaron bar repeal –I tok elik, baj idea eo ao in, ke jemaron komane bill in kio ak ne eitok juon bar administration tok elik, emaron itok im bar repeal –I im baj idea wot menin. Kommol Speaker.

SPEAKER KEDI: Kommol tata Madam Minister, rikwelok eo jen Utrok, jea enaj kio kile Chairman Senator Bruce Bilimon, rikwelok eo jen Maloelap, wonmanlok wot.

SEN. BRUCE BILIMON: Eman, kommol Speaker im ij ettor wot ejja juon amro Minister ne jined woj kolmenlokijon, Minister e jino kon bill eo me ej konono kake, ak eoktak lok jidrik ao lomnak konke ej ba ne emoj an aolep konono ko lok iman ko reman ilo breaking point en jejab maron ukot juon project, ij bar tomak ilo flexibility bwe en lon jidrik leverage nan juon Cabinet nan an komani, elon jet ien ne baj ikijen idrin climate change bwe kojjean jela kio ke jebed ilo tore kein me climate change ebwe an nulnul lok an jermal nan koj woj im ejab eman im jet ien jekijon aikuj flexibility nan jet ian cash ka me jenaj aikuj im ij ba ne lomnak eo ao ikijen, ij ba ne juon Cabinet ej lomnak in tan koman oktak, ekwe bolen eaikuj ta letok ilo through resolution im Cabinet in emaron, ne elon jidrik language rot ne me emaron resolution tok im kojjean ej bar komane ejja loan wot Nitijela in bwe en lon jidrik an deed nan kajion kokajur lok enforcement en, ak baj idea wot nan kakobaba waj ilo debate kein adean, ak juon in kotobar eman, im ij bar rie 100 percent ilo kolmenlokijon in. Kommol Speaker.

SPEAKER KEDI: Kommol Honorable Senator eo jen Maloelap, jea enaj kio kile, mokta jen ao kojeblak nan iben Senator Paul, Honorable Senator Jack Ading jen Enewetak.

SEN. JACK ADING: Kommol Mr. Speaker, kautej wot aolep. Speaker ekanoj in eman melele ko woj jekar ronjaki, im melele ko jar ronjaki jen Senator Kessai Note, melele ko me Iroj Michael im Senator Michael ear raise kake relukin bar eman ak Mr. Speaker bolen ni eo elab lok, ekan lok elane juon administration enaj loke bill in elane enaj erom bill, erom kakien, ej vote in jeleke, im Mr. Speaker naj lomnak koj woj aolep im erra iben dron ke eman jibarbar im kotobar in an bill in im ibawot jemaron deal with it ak elane ikijen flexibility eo me Senator Bilimon ej konono kake Mr. Speaker, enne unin adean komane ilo bill im jab koman ilo kakobaba enwot ilo constitutional, konke jemaron amend e bill in jab dewot ien ak elane jenaj likiti ilo ConCon, likit ilo Constitutional, melele in whenever 10 years 15 years 20 years later jej kab maron in tan komane oktak in, im unin an eman bwe en bed ilo bill. Kommol Mr. Speaker.

SPEAKER KEDI: Kommol tata kon am bar clarify –ik balance in power eo iloan Chamber in, jenaj kio kile Honorable Senator Dennis Momotaro, rikwelok eo jen Mejit, wonmanlok wot.

SEN. DENNIS MOMOTARO: Kommol Speaker im Mr. Speaker ij bed wot ilo ao in kautej aolep, im juon in bill eman Speaker ak ewor jet ao enwot kajitok ikijen section 104 im ear walontak jen iben Honorable Minister eo an Health Services, im ijone ejadin enwot tore meja ikijen naan ne unlawfull, konke ne ej unlawfull, melele in ke emoj, ne rar iton koman jenij, emoj eban koman jenij ne emoj an alikar project in im ij lale bar naan ko an Senator e turu Bruce Bilimon ikijen flexibility, im nain lewaj juon wanjonak Speaker. Jemanlok kar jet yio emotlok ear wor kar juon project ikijen kar kaloke juon jikin kakwon dren ri ilikin airport en, im menin ekar bar bed ilo priority ak ekar jab wonmanlok konke ear wor problem ikijen land issues, im ne en kar bed naan in unlawfull, melele in ke jeban kar bar ukoti bar project kein, emoj men eo ij baj kolmenlokijon kake in.

Kein karuo, jar ron kon JICA ikijen project kane rej bar itok ilo JICA im enwot ad jela juon ian men kane jelukin aikuji ran kein ej tima im ne jebaj drore ke jenaj boktok tima ilo ikijen jaan kein, ak ne ebaj wor tok kar baj contribution, ij baj lomnak, jen baj iben lal ko jet jerar, ne baj ba Tiawan eletok tima, im kio jebaj aikuji tima konke ewor tima rej itok jen iben lal kane jet, kio ta mol ke enaj bar unlawfull ne jenaj bar tan jeniji project kein ke ak priority kein? Emoj ijo ij baj kolmenlokijon kake in ikijen naan e unlawfull, bolen ne jen kar maron in insert e bar juon naan eo me ebaj more flexible jen unlawfull.

Ekwe ijo ikonon bok kwonao ie in Speaker ak juon in bill naj lo ke eman bwe enaj enwot protect e ta ko me Kien enaj komani, men eo wot ijo ijarin enwot nurboktak ie kein ikijen naan ne unlawfull. Kommol Speaker.

SPEAKER KEDI: Kommol tata Mejit, im inaj kojebak nan introducer ro ilo coner iuwe ne ewor jabdewot melele jen ibaero, Senator Tibon ak Senator Paul, inaj bar lelok mok nan Senator David Paul mok, wonmanlok wot mok.

SEN. DAVID PAUL: Kommol Mr. Speaker im kamolol kon melele ko rar bar walontak ikijen bar ejja bill in wot im ilo ao baj reilok ilon bill in, ne kojean naj komane elab tata kon wewein in me rej ba ilo wewein an Senator ra jet mota erelok im kalimjeke naan ka ilo seccion 104, ke ne konaj lukin read –I im lale ke ej ba ne emoj an approve, konke ne baj wanjonak kon jekjek eo me ilo jikin kakwon dren eo ilo ijoka rilik, ekar bed ilo process eo ilo tore eo me rar bid e, im lak lo ke ewor land issue, ekwe e suspend wewein eo, ejab Government eo ear jeniji ak konke process eo etal im make bojrak konke ejab maron in wonmanlok wot nan juon tore eo me enaj resovle issue en, ak kememej bwe elon project ko me rej bed ilon pipeline in im ej motan juon ian project ko ilo tore ne im elukin subjective ilo adean komelele konke jej sight –I juon example eo me elukin lon aban ie, ak ne kojean mok reitok im lale on the positive side im lale project ke me reman im emoj aer go thought, im kojean itok im relax e im koman bwe en jab lukin Kankan legislation in im it devise the purpose ilo adean naj pass e, konke in mok reverse the argument ne im ba okay, if ne juon project eo me emoj an go through im emoj an identify ke emoj an secure aolep men im emoj an go through the process, im eitok juon Government im kojean jolok naan e me unlawfull, im eitok jilu administration im itok im jeniji, kio ebed ia merit eo an naj kar project in me en kar itok im bok jikin im kojeraman armij in Majol. Ilo ad argue jej lale on both sides im instead of looking at the downsize eo an naj kar juon project, jej aikuji in bar lale im unin an kar project eo me dren eo bojrak, ejab konke Government eo ear jeniji, ej konke elon kabanban ko me rar jab clear ilo wewein an kar secure burej eo, ak ejab melele in ke Kien eo ear mane project eo, konke circumstances ko ilo wewein ad secure –I burej eo ilo tore eo nan likit project in, ejab kotlok bwe en wonmanlok, ak ne konaj lukin reitok im lale, kakien in ej nan an koman bwe Kien eo ekaal, administration eo ekaal ej itok tok elik, en jab tan ukoti project ko me emoj aer on the way, emoj aer go through the process im emoj aer bid e er im emoj aer identify –ki ke rej feasible nan aer funded, im ne kojean naj itan relax –I, than lukin mol e devise –I purpose e an kotobar e an bill e nan kokankane bwe jabdewot administration eo ekaal en itok tok elikin in tan jeniji just for the shake of aer jeniji konke ejab an kar baj administration eo moktalok, ekwe won eo eluj ilo jekjek in, ej armij ro im lal in ad. Kommol Mr. Speaker.

SPEAKER KEDI: Kommol tata Honorable Senator Paul, juon ian introducer ro, jea kio kile bar introducer eo juon Honorable Senator Sherwood Tibon jen Majuro.

SEN. SHERWOOD TIBON: Kommol Speaker, yokwe aolep im kamolol Iroj ilo elikin raelepen rainin, ij bed wot ilo aoo in kautej ko jen kej jibbon tok nan kio.

Mr. Speaker stability, ej juon naan eo me armij elab aer lale juon lal kake, ne ej ikutkut vote in jeleke, lal ko likin rej ba ej unstable lal en, bill in Mr. Speaker ej nan koman bwe aolep project ko rej bed ilo pipeline ren stable, ren jab itok im lak lukon aer jibarok lok jen rej jibaroke lok, eitok jet kotobar ko nan bar koman oktak, im lukin jibarbar im kotobar eo ne Mr. Speaker konke armij raan kein elab aer frustrated kon bujin kain project ko jej boklontak im kenan kaki im lak moj jab tobrak, im lukin unin kotobar eo an bill in ne Mr. Speaker, ilo tukadru in ne, ak ne ewor men ko jeaikuj komane ie, ekwe kojean in nan koman kajimwe im kakobaba im ta kane woj. Kommol.

SPEAKER KEDI: Kommol tata Honorable Senator, inaj kio kile mok Honorable Senator Alvin Jacklick, rikwelok eo juon jen Kwajalein.

SEN. ALVIN JACKLICK: Kommol Mr. Speaker, im Speaker ij bed wot ilo ao kile im kautej kwelok ne an Nitijela rainin ilo adwoj bar joblak tok nan komani jerbak kein armij rar kelot koj bwe jen lolorjaki nan aban ko aer, ejab nan er make wot ak elab tata nan koj woj me jooj ej drijoimukoj kon aban kein me jej loi jen ran nan ran.

Mr. Speaker eman im ij erra ilo melele ko rar walok kio, ij barenwot rie jibarbar im kotobar in an bill in bwe elon project ko jar plan –I ilo elon yio ko remotlok, ak konke eitok juon administration kaal im itok im ukoti bedbed ion jibarbar im kotobar eo an make, ekwe Mr. Speaker ikonan ba nan kwe kab rein motaro ilo Nitijela in ke aelon kein elukin drik nan ad aituwerek kon project kein ak money kein rej litoki jen donor country ko motad bwe jen kokmanmanlok jukjuk in bed kein an armij ilo Education kab ilo Eymour. Im na ikonan share e iben rikwelok rein motaro ke ilo 2008 eo elane enaj kar wonmanlok wot administration eo iumin tol im karok eo an Former President Kessai Note, ilo March in 2008 eo enaj kar ground breaking hospital eo emoj an kar administration eo ien eo kajitok iben US Government bwe en fund e jen money ko me rej itok iumin Compact ne, botab kon jet wewein ko me armij in Majol rar make komani ilo kelot ko aer, ear koman bwe en likjab project in.

Ak elane enaj kar wonmanlok wot administration eo Mr. Speaker, hospital ne ad enaj kar kaal, state of the art an hospital, Specialist ro jen belak in lal in ikijen naninmij ko me jejab maron in komadmodi kio, ijelokin wot naj kar operation kon menono im men kein, ekwe jenaj kar jilikinlok nan Hawaii im ijokane me ejelok kabel kein ibed ijin, ak kar plan eo ilo tore ne Mr. Speaker, elane enaj kar jutak hospital eo ijone, jen kar ebok tok ro me relukin tijomlok ilo aolepen kain area in komadmod kein nan naninmij kein an armij rein, ak unin an lon im etal im wor kain jekjek rot in, konke jeba ejab ao project en ikonan make komane juon ao project make ian, ak aikuj en ej an armij rein ilo aelon kein, armij in aelon kein, reaikuji kar juon aer hospital eman, reaikuji jet doctor ro me renaj kar kabel nan aer itok im lali naninmij kein

aer, ak kon wot lomnak in adean im ij kajitok ibedean bwe kojean en mok baj lukin kolmenlokijon ibed ejimwe im eaurok ke bwe jen ba konke ejab ao project en, naj jab konan wonmanlok wot kake.

Ne baj na eo Mr. Speaker naj jab, ejelok ao notaik jabdewot eo me enaj boktok juon project towan wot an project en naj itok im benefit e ak kojeraman armij in aelon kein, inaj jutak iben im erra jonan wot ao maron, ak en jomlok in adean ba im ba konke an Former President project e, naj jab konan erra ie, ak ne jenaj joblaktok nan kajitok, neet en jejab maron in koman oktak ilo project en, baj na make Mr. Speaker ilo an Government in kajitok money jen donor country kane, jej kajitok bedbed ion aikuj en ilo tore en, im emoj an Cabinet eo lukin etale im lo ke jelukin aikuji ne baj ba \$5,000,000.00 nan komane juon project, im ilo ien e me ej submit –I lok nan donor country bwe en letok money en, emoj an etal bujin kain melele iben proposal en lok, im armij ran me rej tan letok ak Government ej tan letok ak droulul en ej tan letok funding en nan project en, ej etale im lukin lale, iaake en ke benefit ak en ke jeraman armij in Majol kake, im ilo tore en me emoj an lo ke enaj jeraman, kio ej ba ekwe \$5,000,000.00 eo ne waj, im koloke ilo tore en Mr. Speaker emoj an juon donor country ak juon lal koweppen bwe ej letok money in jiban en, baj na make einjake e ao im tomak e ao, tore eo me ej weppen jen jab tan koman oktak ilonan.

Im elon kain melele jenaj kwalok kon bujin kain project ak emoj adean aolep member in Nitijela loe im lo wewein kein rej walok im jej aikuj in keliktak, Mr. Speaker elab an drik aelon kein nan adean aituwerek kon kain jekjek rot in, ak enwot an introducer eo an bill e kwalok ke ne baj project ke jen JICA, aet rej itok ilo juon pipeline tok, im emaron in le juon project ak jeban lelok bar juon bwe en itok ilokan tok bwe en jab lokin 4 yio ak lokin 2 yio, ebar itok funding kan nan project en me jej kajitok kake, botob ijoke ilo bar jet kolmenlokijon Mr. Speaker, lal ka me rej jiban tok koj, rej bar bok melele in ke rejab konan itok in interfere ilo decision ko Government in ej komani, im rej kile wewein in im unin aer naj bar kotlok jet wewein bwe ren wonmanlok wot ilo wewein eo me administration eo ekaal ej komane, ekwe konke melele in rejab konan interfere ilo responsibility kab constitutional authority eo an Government in an Majol Island nan decide ak kelot ta eo ej komane, ak kojean wot nan dron, member in Nitijela jej koman kein ko nan koman bwe en lon guide lines nan ad wonmanlok ilo project kein me rej fund –I tok jen lal ko ilikin Majol Island.

Im Mr. Speaker tomak e ao ne kojean naj jermal iben dron ilo wewein in, enaj ejelok juon tore enaj etal im likjab jermal kein jej komani bwe elane money en emoj an drelon im weppen ke ej itok, kotlok bwe en etal ilo ial en an enwot an bible kwalok ke ej baj menin wot ijo emoj ad tobare, jen kakotkot ilonan ial ne im kotobar bwe en tobrak aolep men otemjej. Kommol Mr. Speaker.

SPEAKER KEDI: Kommol Senator Jacklick, im lewaj juon bar kakobaba nan eok Senator Note im ibawot ededelok ro rej konan bok kwonaer, wonmanlok wot Senator Kessai Note jen Jabot.

SEN. KESSAI NOTE: Kommol Mr. Speaker im enwot elab ao rel ilo statement eo an Senator Alvin Jacklick, ikonan bwe en alikar ke ejelok en ej jumae bill in im kotobar in an bill in, kajitok ko ao ej nan ao konan bwe en lukin effective bill in, jen jela neet en ej kick in provision in an bill in im neet en emaron oktak, aet ej kwalok kon naan kein ruo ijin endorsement kab funded, ak kar kajitok eo ao neet en juon Government emaron ukot an lomnak ne administration eo ekaal ne emoj an alikar ke elon jaan im

approve ke ak ilo tore en me mokta jen an groud breeding im kain kein, ilo kotan e bwe jet ien elab kotan e, emaron juon yio im jonan kein, im enaj lak itok juon administration kaal, emaron oktak priority ko an ak ilo tore en ejanin disburse money en, emoj an bolen approve im emoj aer ba jenaj lewaj jonan eo ak ejanin itok, bar juon en kotan elab, emoj men eo iar konan bwe en clear ilo bill e bwe en ejelok kajitok kake, im en effective kilen enforcement e an ej kajitok kein me iar limanwaj.

Ij kamolol bujin kain melele im enwot ne ewor kar lomnak in jumae im jejab erra ak jekonan bwe ne jej komane juon kakien en wor kitien kakien en, im iar konan bwe bill in en komane bwe jen lak komane kakien in en ejelok oktak im jabdewot ak naj erra ilo konono ko an Senator Alvin Jacklick ke elane emoj an alikar tok juon project im eman an komeleleik kon kar project ko ilo 2007, 2008 bwe ilo mol ke naj konono, men eo ej jiktok ilo kolmenlokijon e ao eo im ebar lon project, konke jar jab maron in kibel Government eo tokelik bwe ekar ejelok law kab ejelok nin jabdewot ak enwot vote in jeleke ejab juon men jeaikuj exercise –I aolep ran, ne kar lomnak eo in ak kolmenlokijon ko ao kon bill in ej juon bill eman im jen kokajur e im koman nin bwe en lukin effective an jerbak. Ekwe kar comment ko ao kein.

SPEAKER KEDI: Kommol tata Senator, im ibawot ededelok aolep debate ko, im ibawot vote in jeleke eban bok jikin ilo kotan in, enwot eman adwoj jerbak manwaj, eman an jerbak kein drebil manwaj, ejanin wor joren. Ne jemaron kakkije mokta 2 minute. **(kakkije jidrik)** Elikin kakkije jidrik eo Nitijela ej bar joblak tok, jej bed wot ilo konono kein karuo ikijen Nitijela bill calendar ikijen Nitijela Bill No. 5 im emoj an etal ien nan 13 rikonono nan aer bok kwonaer ilo bill in eaurok im ij lomnak ebwe an bwe, botab nan limtok konono kein an Bill No. 5 ilo konono in kein karuo, inaj lelok nan Honorable Minister Tony Muller eo ej bok eddo in Public Works, enwot ke elon ian jerbak kein renaj lolo ilo jerbak ko an Ministry eo an, ak jouj im wonmanlok wot Mr. Minister, juon ian rikwelok ro jen Majuro.

Mokta jen ao lelok nan Minister Muller, privilege eo mok Senator eo an Namu Aiseia?

SEN. TONY AISEIA: Kommol ak iar tin lale ne jemaron kakkije jidrik nan ad lale mok ewi wewein adean tackle e naj adean koweppen jerbak kein?

SPEAKER KEDI: Kommol tata Senator. Ekwe wonmanlok wot kio Minister Honorable Tony Muller, juon ian rikwelok ro 5 an Majuro.

MIN. TONY MULLER: Speaker kommoll im bed wot ilo ao kautej aolep. Speaker enwot ad kar konono im ba ilo kakkije eo kio, eman aolepen melele ko jen aolep rikwelok rein ilo Chamber in, im ejelok bere ibba ke aolep rej erra kon kotobar e an bill in, konke dedelok in men otemjej ke tobrak ka ej wonmanlok ko an aelon kein im armij ro an aelon kein, im kommoll kon am letok jidrik ien.

Ak ilo session eo lok, jar komelele jidrik kon NIP (National Infrastructure Investment Plan) eo, me enaj koboj koj ikijen development project kane lok im goes 2023 me ien ne ej bojen jomlok economic package ne adean iumin Compact ne im ebar lolo yio kane tok elik, konke jej aikuj maintain im repair e aolepen project kein, ak ne eman iben rikwelok rein woj, NIP eo, report eo ej itok wot ilo naj allon in tok ne emoj ad introduce –I nan Cabinet bwe aolep rikwelok enwot adean kar etale process eo iben aolep

kajojo portfolio im MIMA, ekwe enaj bar roltok nan rikwelok rein konke ren bar bok kwonaer ilo NIP in, im ij tomak ne emoj an rikwelok rein adopt e NIP en, plan ne enaj koman bwe aolep, en bidrodro lok, jooj en aolep comfortable lok ilo adean naj kotlok bwe aolepen project ka tokelik elikin adean koweppen bill in elukin eman, bwe ren bok jikier konke aolep renaj bok kwonaer, emoj an bujin bok kwonaer kadede ilo NIP ne im koj iloan mwin make jenaj bar bok kwonadean ilo NIP ne im ij tomak enaj eman iben aolep.

Men eo dre eo iar konan share e iben aolep, ak Speaker kommol tata.

SPEAKER KEDI: Kommol tata Mr. Minister, im ewor ke kio motion nan previous? Ewor juon bebe ion floor ne kio bwe en bojrak konono ilo konono in kein karuo an Nitijela, Nitijela Bill No. 5 im emoj second e, ro eindre aer lomnak bwe en bojrak konono kon Nitijela Bill No. 5 ilo konono in kein karuo ren ba aet? (aet) Einjuon jab? Inem ebojrak konono kon Nitijela Bill No. 5. Im main motion eo bwe Nitijela en bok bill in Nitijela Bill No. 5 ilo konono in an kein karuo bwe en weppen im ekar moj second e, im ro eindre in aer lomnak ren ba aet? (aet) Ro einjuon jab? Inem Nitijela Bill No. 5 emoj an Nitijela in bok bwe en moien ilo rainin.

Kommol aolep, Madam Clerk jouj im kwalok koban agenda ne an item 10 konono eo kein kajilu.

CLERK: Item 10 iumin bill calendar nan konono eo an Nitijela kein kajilu im eliktata ej Nitijela Bill No. 26.

SPEAKER KEDI: Kommol tata Madam Clerk, Honorable Vice Speaker ne komaron letok motion eo arro ilo konono eo kein kajilu ej Nitijela Bill No. 26.

V-SPEAKER ANTON: Kommol wot Mr. Speaker, Mr. Speaker ilo ien in ij koman ao bebe ilo tore in bwe elikin wot an rijeje ne read –I tok Nitijela Bill No. 26, en ella ilo konono in an kein kelik tata im Nitijela en bok bwe en moien. Kommol wot Mr. Speaker.

SPEAKER KEDI: Ewor juon bebe ion floor ne ilo item nomba 10 ikijen konono eo kein kajilu, Nitijela Bill No. 26 bwe Nitijela in en bok bwe en moien elikin an Clerk eo naj read –I title eo an im emoj second e. Madam Clerk ne komaron wonmanlok wot im read –I title eo an Nitijela Bill No. 26 mokta.

CLERK: Nitijela Bill No. 26 ej juon bill nan juon Kien nan ukot lok section 428 MIRC title 26 chapter 4 ikijen Birth, Death, im Marriage Registration Act eo an 1988 eo nan lelono lok dretan yio eo jen 16 nan 18 nan an ledrik ro maron mare ak bok kwojkwoj in belele.

SPEAKER KEDI: Kommol tata Madam Clerk. Ewor juon bebe emoj an likieo ion floor ne bwe elikin an naj kar rijeje eo watt ok title eo an Nitijela Bill No. 26, en ella iben Nitijela ilo konono in an kein kajilu im eliktata im Nitijela en bok bwe en moien, emoj kar second e, im mokta jen ao entertain –I motion in emoj an lolo im juon motion ekajur, kobellok kio floor nan jabdewot ro rej konan bok kwonaer ilo bill in.

Ewor juon bebe kio bwe en kilok konono kon Nitijela Bill No. 26, im ededelok second e. Ro eindre in aer lomnak ren ba aet? (aet) Einjuon jab? Inem ededelok, ekilok konono kon Nitijela Bill No. 26, jenaj wonmanlok wot im kio komane vote ko ad. Madam Clerk jouj im kir roll call eo an Nitijela kon vote eo ikijen Nitijela Bill No. 26.

CLERK: H.E. President Hilda C. Heine..... Aet
Minister Mattlan Zackhras..... Aet
Minister Thomas Heine.....Aet
Minister Amenta Matthew..... Aet
Minister Kalani Kaneko..... Aet
Minister Tony Muller.....Aet
Vice Speaker Jejwarick Anton..... Aet
Senator Alvin T. Jacklick..... Aet
Senator Atbi Riklon..... Aet
Senator David Paul..... Aet
Senator Sherwood Tibon..... Aet
Senator Michael Kabua.....Aet
Senator Tony Aiseia..... Aet
Senator Jerakoj Bejang.....Aet
Senator David Kabua..... Aet
Senator Bruce Bilimon..... Aet
Senator Dennis Momotaro..... Aet

SPEAKER KEDI: Madam Clerk, jouj im wonmanlok wot im kwalok result in vote eo kio.

CLERK: Speaker ewor 18 aet ejelok jab.

SPEAKER KEDI: Kommol tata Madam Clerk, inem emoj an Nitijela in an armij in aelon kein bok Nitijela Bill No. 26 bwe en moien im enaj motan kakien ko an aelon kein kio.

Wonmanlok wot Senator David Kabua, privilege.

SEN. DAVID KABUA: Kajitok nan kakkije.

SPEAKER KEDI: Juon wot minute in kakkije, kommol, inem jenaj kakkije juon wot minute. **(kakkije jidrik)** Elikin kakkije jidrik eo Nitijela ebar joblak tok elikin kakkije jidrik eo im jej bed wot ilo item nomba 10 ikijen bill calendar im ikijen konono eo kein kajilu an Nitijela im ne jea emaron mok kile Honorable Chairman Bruce Bilimon.

SEN. BRUCE BILIMON: Kommol Speaker kon am bar letok utej in nan kojro ilo arro im koj woj aolep bukot kilen kon lolorjaki jermal kein reaurok an armij in Majol. Speaker ilo kar agenda item nomba 8 ilo report jen Standing Committee ko, ij kememej lok ekar wor juon report ekar itok jen committee eo an

R&D, im colleague eo mota member im Honorable Jack Ading ekar komane report eo an ikijen Bill No. 5 ilo jermal ko an committee eo an R&D, ilo kar recommendation ko an im proposal ko an ilo an kar wate report eo, ekar komane bebe in bwe Nitijela in en bok report in im wonmanlok wot im kotore nan reading nombra 3, im ilo nememe in wonmalok wot im kotobar jermal kein ad, ekwe ij kajitok elane jemaron ja kakiki rule kane im lemantak Bill No. 5 nan jermal ko ikijen reading nombra 3, im enin ij koman ao bebe Mr. Speaker.

SPEAKER KEDI: Ewor juon bebe ion floor ne kio ekar nan kar report eo an Standing Committee eo an R&D, im ewor kio juon motion bwe jabdewot rule ko renaj ka aban an Nitijela Bill No. 5 wonmanlok jen 2nd reading nan 3rd reading iloan agenda ne an rainin, ren ja kiki rule kein im ewor ke second? Ededelok second e, im jenaj kio komane vote in kalikar elane jej man rule kein ak jab. Im ro eindre in aer lomnak ren ba aet? (aet) Einjuon jab? Inem Madam Clerk jouj im take note Nitijela Bill No. 5 ej kio bed iumin konono kein kajilu ilo agenda ne an rainin. Im jej bed wot kio iumin bill calendar enwot ao kar ba ekinlok jidrik ikijen konono kein kajilu, im Madam Clerk ne komaron kalikar nan record kane outstanding bill ne ej bed kio ilo calendar ne.

CLERK: Iumin bill calendar nan konono eo an Nitijela kein kajilu im eliktata, ej Nitijela Bill No. 5.

SPEAKER KEDI: Kommol tata Madam Clerk Watak, im Honorable Vice Speaker ne komaron letok motion eo kio eliktata ikijen konono in kein kajilu ikijen Nitijela Bill No. 5.

V-SPEAKER ANTON: Kommol wot Mr. Speaker, Mr. Speaker ilo ien in ij koman ao bebe bwe elikin wot an rijeje ne wate tok title ne an Bill No. 5, en weppen iben Nitijela ilo konono in an kein kajilu im eliktata.

SPEAKER KEDI: Ewor ke second? Ewor juon bebe jen Honorable Vice Speaker bwe elikin wot an naj Clerk eo read –I title eo an Nitijela Bill No. 5 ilo konono in an kein kajilu im en weppen im eliktata im ededelok second e, im Madam Clerk ne komaron wonmanlok wot im read –I mokta title eo.

CLERK: Nitijela Bill No. 5, ej juon bill nan juon Kien nan rejan bwe jermal in ekal im makitkit ko en wonmanlok ko an Kien eo ren tiljek, jimwe im jejet.

SPEAKER KEDI: Ewor juon bebe ekajur ion floor ne iumin bill calendar im konono kein kajilu bwe Nitijela Bill No. 5, en weppen ilo Nitijela in ilo konono in an kein kajilu im eliktata im Nitijela in en bok bwe en moien, elikin naj kar Clerk eo read –I title eo an im ededelok second e, im mokta jen ao entertain –I motion in, ne ewor ej konan bok kwonan kio.

Ewor juon bebe ekajur kio ion floor ne bwe en bojak konono kon Nitijela Bill No. 5 ilo konono in an eliktata im ededelok second e. Ro eindre in aer lomnak bwe en bojak konono kon Nitijela Bill No. 5 ren ba aet? (aet) Ro einjuon jab? Inem ebojak konono kon Nitijela Bill No. 5, im ilo tore in kio konono in an eliktata enwot ke ej kein kajilu ededelok, inaj kio kajitok ne Madam Clerk emaron wat tok vote ko an rikwelok rein kajojo ikijen Nitijela Bill No. 5.

CLERK: H.E. President Hilda C. Heine..... Aet
Minister Mattlan Zackhras..... Aet
Minister Amenta Matthew..... Aet
Minister Thomas Heine..... Aet
Minister Kalani Kaneko..... Aet
Minister Tony Muller.....Aet
Minister Mike Halferty..... Aet
Vice Speaker Jejwarick Anton..... Aet
Senator Alvin T. Jacklick..... Aet
Senator David Paul..... Aet
Senator Sherwood Tibon..... Aet
Senator Michael Kabua..... Aet
Senator Tony Aiseia..... Aet
Senator Jerakoj Bejang..... Aet
Senator David Kabua..... Aet
Senator Bruce Bilimon..... Aet
Senator Dennis Momotaro..... Aet
Senator Kessai H. Note..... Aet

SPEAKER KEDI: Wonmanlok wot Madam Clerk im letok total in roll call eo kio kon Nitijela Bill No. 5.

CLERK: Mr. Speaker ewor 18, ejelok jab.

SPEAKER KEDI: Kommol tata Madam Clerk, im Nitijela Bill No. 5, ekar nan Jemen ei eo kab rule im procedure ko an Nitijela, emoj an Nitijela in bok bwe en moien im enaj erom Kien.

Kommol tata aolep, awa ne adean kio emoj an motlok jet minute jen 5, ededelok mwenan ko reaurok im jenaj walaltak wot ilo agenda ne kio, ejelok ikijen resolution, ewor ke jabdewot bill nan bokmantak, resolution nan bokmantak? Petition im communication ikijen item nombra 14, Madam Clerk nan record kane an Nitijela kab armij in aelon kein, komaron ke kalikar koban item nombra 14.

CLERK: Item 14 iumin petition, communication, jermal ko jabdewot ak enaan ko jet, ebed Communication No. 36, ej OCI annual report 2015, Communication No. 37 ej foreign policy eo ekaal an RMI ekoba new guidelines ikijen appointment ko ikijen Honorary Council ro, im Communication No. 38 ej juon trip report an Minister eo an Foreign Affairs ikijen kwelok eo ear etal nane an Pacific Islands Forum Foreign Ministers ilo Fiji.

SPEAKER KEDI: Kommol tata Madam Clerk, im nan member rein an Nitijela, jous im take note in aolep communication kein im lunuri ilo kotoan in nan ne jenaj bar joblaktok im kajitikini ijoko rekar. Im ededelok jermal ko an rainin im ikonon kamolol Office ka an Clerk kab Legislative Council, ijela ke rar jab kakkije bon im rar barenwot aikuj kakotkot tok nan Nitijela in kio ej jibbon nan lolorjake elon ian bill

kein, im unfortunately, ej lon wot bill rejanin drelon im kar date-line eo an rainin ej enin en kar ran eo in ej date-line ak jej lo ke ewor emen im men bill rejanin drelon tok relukin aurok bwe ren aikuj drelon ilo session in, im schedule eo ad enwot amiean jela kab ebed iman mejen rikwelok rein kajojo, jen kar aikuj kakkije kio mae 3 week tokelik nan public hearing, ak elane ewor juon consensus kio jen Nitijela nan kaitok lok bar jidrik kwelok kein nan Monday, im jelale ta elikin Monday, ekwe inem kwonan wot Nitijela in bebe. Im ne jea emaron kile Honorable Senator Bruce Bilimon mokta mok, Chairman.

SEN. BRUCE BILIMON: Speaker jemaron ke kakkije wot juon minute, ilo kautej?

SPEAKER KEDI: Nitijela in ej kakkije juon wot minute. **(kakkije jidrik)** Nitijela ej bar joblak kio elikin kakkije jidrik eo, im jej bed wot ilo item agenda 14, petition, communication, kab jermal ko jabdewot im enaan ko jet, im imaron ke kile mok Honorable Senator Chairman David Paul.

SEN. DAVID PAUL: Kommol Mr. Speaker kon am bar kile kojro ilo elikin raelepen rainin im ejelok jabdewot jermal ko reaurok bwe ren walontak ilo tore in, naj komane juon ao bebe bwe Nitijela in en kakkije mae Monday 10:00 awa jibbon, eindre in ao bebe Mr. Speaker.

SPEAKER KEDI: Ewor juon bebe ion floor ne kio bwe Nitijela in en kakkije mae Monday 10:00 awa jibbon, im ededelok second e, im mokta jen ad komane montion in ne imaron kobelok opportunity in nan Chairman eo an committee ko an Nitijela 7 ne ewor jabdewot kojela kab melele jen ibaer. Ne ejelok, ikonon kenanok public kab jabdewot ro emoj kar invite –I er nan public hearing ko Monday jibbon, bwe aolep public hearing ko renaj postpone ilo kotoan in mae ien jea ko an committee ko kajojo kab committee member ro renaj kalikare nan reschedule, enwot ke Nitijela in enaj wonmanlok wot im kaitok lok kwelok kein an jen rainin naj nan Monday.

Ewor juon bebe emoj an kajur ion floor ne kio bwe Nitijela in en kakkije mae Monday 10:00 awa jibbon, ro eindre in aer lomnak ren ba aet? (aet) Ro einjuon jab? Inem Nitijela ej kakkije mae Monday 10:00 awa jibbon. Jeraman nan aolep ilo weekend in.

Ilo kautej,
Journal Clerk